


黎城縣續志



序

黎在晉最爾邑也然踞太行之脊扼青齊
之關襟帶二漳橫連三魏言形勝者所必
及也商書六篇伏傳錢者式微旄邱錄於
國風略土立侯詳於左氏見記載者又豈
先也方乘之作宜倣自古而自隋氏與
城始別爲縣自前明中葉縣人靳惟精始
輯爲志閱百有餘年至

黎城縣續志

卷之二 序

國朝康熙壬戌縣令竟陵程公與鄉先生李
若膺昆季重加纂輯其時靳志已燬於兵
燹不可得見今所傳者獨是志存其書以
地理政事人物藝文爲四綱括四十目號
爲簡明而缺於賡續者二百年矣夫山川
形勢終古不遷制度人物隨時有異往古



誠難備徵而顧令耳目所及亦聽其沈湮
甚非達政治闡幽微之義也余始莅縣縣
人多以續脩請遂謝未遑於茲五載會纂
輯通志奉檄採訪乃集文士相與稽古籍
搜故牘益以見聞從事考訂草藁未就而
余適量移永濟遂依程志體例略爲排比
而摘其有關考證者別爲補遺新編附錄

黎城縣續志

卷之一

序

二

諸篇儷諸簡末都爲四卷名曰續志不復
彙爲一書別定義法者從黎人志也程公
賢令黎之人思其澤不欲沒其文而又重
余之行冀得速於藏事於此見風氣之厚
爲近古也獨念余之書雖續也未能半益
於舊而所補正者或且過焉則以網羅新
聞難於爲力鑽研故紙易於見功余自顧

不能爲其難姑以是表表附諸不作之義
未竟之緒竊有望於來哲序之以貽黎人
必有以余言爲徵信者

光緒庚辰四月北平鄭澗

余宰黎城蓋後禹奔侍御及二百年云侍御爲余宗又皆楚人其在黎多惠政民思之久而不衰黎志四卷所創撰也余曩讀兩漢循吏傳常歎龔黃有政績無文學文翁任延敦尚禮教彬彬稱盛而著述無聞雖其時風氣樸古爲政惟視力行而經術緣飾吏治史每舉爲美談蓋文章政事兼

之者爲難也方乘之作幾於充棟操觚者莫不思信今傳後垂之無窮而或未久卽爲人竄易或易世而書已沈湮黎人於侍御乃獨惓惓手澤有思人愛樹之意焉是可感也余旣莅縣值前令鄭君鼎安方奉憲檄集議重修未及卒業授橐於余余讀之則第廣續原書於近事以類比屬而不

變其例於古事別爲考訂而不沒其文從
黎人志也夫椎輪始造有待增華積薪後
來難禁居上侍御之草創斯志固未嘗不
殷殷以理端推緒望之後人而相距二百
年至鄭君而始承其會至余而乃觀厥成
而又以鄉郡後進同譜支裔忝承虛乏從
事討論殆有非偶然者乃稍爲增益重加
黎城縣續志

卷之一 序

五

繕釐言念舊章資爲前鑑所以志黎者在
是所以治黎者亦不外是書其緣起以自
策勵蓋非有所私也光緒辛巳正月既望
署知縣程以敬序

黎城縣續志序

光緒九年歲在癸未夏六月予由節府幕僚出宰黎陽蒞官之逾月邑人士拔萃科段生等以楊教授所纂黎城續志葉見商並請序之予略加刪訂更取舊志參考數過釋卷而歎曰邑之有志所以志一方之興廢得失風土人物以資攷鏡而藉以布政施化者也黎自商代侯封降而爲亭爲縣歷數千年於茲其中地方興衰政治得失風俗淳漓人物消長凡一切變更遷易之故不知其凡幾乃攷舊志所載自明黎城縣續志卷之一序

六

中葉邑人靳惟精始爲志其書久已散佚無存閱百有餘年邑宰竟陵程君與邑人李吉弟昆搜羅散失由他書補遺拾闕編成書又二百年今乃續之僅四卷故實亦甚寥寥其存什一於千百往事之可載可紀而闕泐無傳之可屬道哉夫天以日月星辰煥其文地以山川草木藂其秀龍之神也以雲虎之威也以風人之文也以言學人君子以附聖賢而聲施後世名譽益彰物之不能無所憑以自顯於世大抵然矣天下名勝之區如岱宗嵩室爲古帝王封禪告

成之所聲震今古無論已他若巨廬雁宕天姥赤城
無愚智莫不延頸跋踵以未得躬歷其境爲終身恨
事詎獨有以異乎他哉殆亦皆高人韻士登臨歌嘯
鋪張粉飾之所由然也予昔讀古人之文至昌黎於
陽山送區册序於潮與大顛師書及柳州愚溪詩序
西山鉅鈿潭諸記而慨古今人物之遭逢幸不幸不
特賢聖豪傑爲然卽一邱一壑亦莫不皆然夫以區
册大顛之僻處海南無大材能得昌黎之來窮愁潦
倒負焉無僑偶遺訪一談其名遂與其文並傳千古
黎城縣續志

卷之一 序

七

柳州遠在蠻荒使非子厚以罪謫此雖有佳山水亦
終蒙翳沉汚於草澤之中永不見天日誰復知其可
詠可歌哉而至今讀其文者猶爲想像神馳於千萬
里外斯地也斯人也抑何幸也黎雖最爾邑其水深
山秀志所謂屏嶺在彼予未能遍歷然嘗登署之
樓而曠瞻遐矚實其巖峯巖壑一葉縹緲出沒
於雲表者白巖曉煙也羣鳥亂飛夕陽將墜一峰插
天極目無際者金牙夕照也予嘗禱雨而至嵐山蒼
松蔽日風聲水聲颯颯滿耳儵然有出塵欲仙之意

逾東陽關而東行連峰疊嶂鎖鑰嚴嚴疆氣勢雄
壯慨然想見表裏河山之雄其志之所列人物漢有
馮表世銜命萬里斬莎車王頭威震絕域野王弟昆
治行卓著民歌大小馮君地雖僻陋夫豈乏異人傑
士哉自漢以後迄今數千年落落無聞蓋簡編之闕
軼者多矣近代如明李養裕之血戰禦賊李養志之
誓死完節國初則李金漳之品學文章偉然大儒
靳綠溪之才華爾雅著吳詩集覽名重一時即其志
之所列亦皆卓卓可道予今訪其子孫半皆淪落著

作更散失莫傳若窮巷深谷孤行自高之士無人表
揚而汶汶與草木同腐者更不知其幾何矣嗟夫使
黎而昌黎柳州其人者至此而盤桓詠歌作興提唱
安見其山水之佳勝不名於天下而巖穴之士不足
與區生大顛輩共垂不朽哉且黎之境危峰矗嶺仄
徑羊腸據太行之頂爲上黨之要邑東陽關乃豫直
入晉之門戶譚兵者每抵掌而言曰天下有事守土
黨以踞太行之脊扼天下之中西臨關中南通京
北達河朔諸郡形勝之地莫逾於此故西伯戡

伊奔告南北五代之際羣雄並逐此地爲爭戰之場
方今四方多故若黎者尤爲三晉東鄙之衝而留心
時局者之所宜豫籌布置者也則夫志之詳所宜詳
而不可苟焉者更若何其鄭且重耶乃自漢以迄於
今數千年而志僅數冊又多闕焉不備此予之所以
釋卷而歎也自慚才薄案牘紛紜欲爲之詳考故實
增益以全其書既苦日不暇給頃又奉升授甯遠之
命行期伊邇更覺僕僕未遑姑叙其大概以待後之
能者並以告夫黎人士曰予聞深山大澤實生龍蛇
黎城縣續志

卷之一序

九

人傑斯地靈其各奮志有爲講求經濟實學出而上
佐

國家勛業下爲邦邑生色志乘增光若予者蒞此數
月德涼行鮮無能爲爾多士作興提唱以冀古人之
萬一自愧多矣

誥授奉政大夫宣戴花翎升授甯遠撫民理事直隸
廳通判在任候補直隸州知州正任榆社縣知縣
調署黎城縣事海上葛士達謹撰

黎城縣續志

目錄

卷一

序

纂修姓氏

圖

表

地理志

疆域

城池

兵防附

山川

村瀆附

古蹟

墳墓園附

黎城縣續志

卷之一 目錄

十

政事志

戶口

田賦

鹽法附

職官

公署

學校

祠祀

寺觀

紀事

卷二

人物志

選舉

進士

舉人

貢生

薦辟

名宦

名賢

孝義

義行附

文苑

材能

流寓

方技

仙釋

列女

卷三

藝文志

詩

賦

傳

碑記

墓誌

卷四

補遺

沿革
寺觀

山川
紀事

古蹟
名賢

物產
流寓

鄉宦
列女

祠祀
藝文

山川

古蹟

糾誤

沿革
紀事

城池
名賢

忠節

流寓

附錄

書目
碑目

黎城縣續志

卷之一 目錄

十二

纂修姓氏

總纂

運同銜即補直隸州黎城縣知縣調補永濟縣知縣鄭 灝
同知銜特用直隸州署黎城縣知縣程以敬
同知銜候選直隸州賞戴花翎黎城縣知縣董慶成
即補直隸州奏升寧遠直隸撫民理事廳正任榆社縣調署黎城縣知縣葛士達

纂修

前 潞 安 府 學 教 授楊恩樹

監修

黎城縣續志 卷之一 姓氏 十二

黎 城 縣 復 設 教 諭柴天植

知縣用候選縣丞黎城縣典史洪恩錫

襄修

候選教諭光緒乙亥恩科舉人范亞魁

候選直隸州州判同治癸酉科拔貢段 鎮

採訪

候 選 教 諭 恩 貢 生丁 昭

候 選 教 諭 恩 貢 生高世泰

候 選 訓 導 廩 貢 生王永昌

候選訓導 歲貢 生王源

候選訓導 廩 生李壽椿

廩 膳 生 員高奇

廩 膳 生 員王東陽

廩 膳 生 員唐傑

武 生王瑋

校對

候選巡檢 附貢 生高金臺

增 生高麟臺

黎城縣續志 卷之一 姓氏 十三

附 生唐倍


黎城縣志

縣城全圖

黎城縣城全圖


黎城縣志 卷之一

十四



黎城縣續志

卷之一 圖



地表

朝代

地名

年月

置

省改寄治

縣

屬

商

黎國

屬畿內

周

黎國

壺口

春秋時

屬晉

漢

潞縣地

屬上黨郡

後漢

潞縣地

屬上黨郡

黎城縣續志

卷之一

地表

六

晉

潞縣地

屬上黨郡

惠帝末

并州刺史

寄治在今臺壁

後魏

刈陵

真君十一年

置

建義元年

屬襄垣郡

隋

刈陵

黎城

開皇十八年

置屬上黨郡

唐

黎城

武德元年

屬韓州

貞觀十七年

屬潞州

黎亭

天祐二年

改



宋	黎城	熙寧五年	省
金	黎城	元祐元年	復置
元	黎城	貞祐三年	改屬崇州 <small>今涉縣</small>
明	黎城	至元二年	復屬潞州
國朝	黎城	嘉靖八年	屬潞安府
			屬潞安府

黎城縣續志卷之一

地理志

疆域

縣治在潞安府東北一百一十里東西廣一百一十

里南北袤一百二十里

府志

界址

東至河南彰德府涉縣界黃花峽四十里西至襄垣縣界營溝口四十里少北至沁州治二百一十里南至潞城縣界漳河二十里少西至潞城縣治

黎城縣續志

卷之一

地理志

一

六十五里北至遼州界下五村一百里至遼州治一百八十里東南至潞城縣界石城村九十里西南至襄垣縣界西峪村五十里至襄垣縣治九十里東北至河南彰德府涉縣界槐樹坡三十五里至涉縣治六十里西北至遼州界銅峪嶺一百里至沁州武鄉縣治一百八十里

道里

東四十里至涉縣響當鋪南二十里至趙店鎮城漳河至潞城縣潞河鋪西經上桂花五里北馬村

西社村胥十里上遙鎮五里又十里至襄垣縣營
溝口此孔道而吾兒峪乃天險也東經任莊二里
陳村五里巖井村十五里又八里至涉縣界黃花
東南由趙店經路堡五里王曲村十里又五十里
至舊平順縣西由北馬村經郎莊十里渠村二十
里石板村十里又十里至武鄉縣三角村西北經
古縣十里洪井村曹莊原泉村胥十五里石背底
十里清泉村二十里又十五里至遼州雲頭底北
由曹莊經桑魯村二十里西井鎮五里南陌鎮二

十里又十里至遼州防相村此山徑也

案乾隆二十九年裁平順縣以原割縣東南之五
里還縣故府志疆域與舊志小異而所載界址亦
較舊志爲明晰爰並錄之而附以道路

城池兵防附

縣城乾隆二十六年知縣李伊問請帑重修道光十八年知縣陳金鑑再修

康熙五十八年添設外委把總一員駐縣城

守兵十名分防東陽關五名下陽灣三名

同治元年新設東陽營

守備一員駐東陽關堡

把總一員駐南寨溝

外委把總一員駐西石坡

黎城縣續志

卷之一

城池

三

馬兵三十名步兵九十名守兵一百八十名

例馬七匹營馬三十四

歲支俸餉銀五千五十兩八錢四分兵米一千四

十三石

歲支馬乾銀一百九十九兩五錢三分豆二百一

石八斗草一萬三千三百二十束

本營火藥局一處

礮臺十三座

王侯嶺四座小口村二座秋樹園二座響雷廟二

座下陽灣二座長凝村一座

同治五年擒逆竄擾豫直二省大同營都司郝步垣奉調駐東陽關協防宋家莊偏城鎮諸村並添派守兵七年六月撤防歸伍

山川

崆峒山在五美里羊羔村金進士王次用龍祥觀記云王曲村道士張可用隱崆峒山谷之石室山舊乏水倏石坵泉流清冷味甘汲之不竭不溢病者飲之輒愈

侯壁山在五美里侯壁村山多壁立

龍耳山在五美里新豐村山形似龍兩峯似耳

赤壁山在五美里赤壁村南石崖夾澗高五丈有奇

漳水至此急流落澗聲吼若雷氣騰若霧浪噴若珠

黎城縣續志

卷之一

山川

五

清漳水在縣東北故壺口關北源出樂平縣大要谷自遼州之雲頭底入境東至武渡入涉縣界

濁漳水在縣西南由襄垣入境東南流至河西村之

北渠村之南又十餘里至大士村又十里至上遙鎮

北小河水自北來注之又五里至西柏峪南東社之

北又五里至北馬村南又三里至靳曲村南折而東

流五里至西水洋南又五里至趙店鎮南黃湏水自

北來注之又八里至路堡村南又五里至北流村南

又五里至南堡村南又十里至王曲村南又五里至

王曲灣南又十五里至安樂村北又二十里至歇車村又五里至車黨村之北又三里至羊羔村南又十餘里至石城村入潞城縣界旋入涉縣界

溫泉在五美里安樂村漳水滌泗處高崖深潭名大海小海其水隆冬不凍南流入漳河

東曰平賢鄉共三十六村 距城里數註各村下

件橋村 三里 北泉寨 二里 七里店 五里 仁莊村 二里

停河舖 十里 子 鎮 十五里 棗 鎮 二十里 棗 畔 二十里

東黃須 十五里 西黃須 十五里 東長垣 二十里 西長垣 二十里

黎城縣續志 卷之一 山川 六

東陽關 二十里 善業村 二十五里 辛 村 二十五里 長凝村 三十里

王侯嶺 二十五里 小口村 三十里 楊家灣 四十里 下灣村 四十里

香爐岐 三十里 馬家峪 四十里 秋樹園 四十里 龍王廟 四十里

東字莊 七十里 西字莊 七十里 東鹿頭 一百一十里 西鹿頭 一百一十里

東安居 九十里 西安居 九十里 偏城鎮 一百一十里 壯口村 一百一十里

板峪村 一百一十里 符山窰 一百一十里 木口村 七十里 郭莊村 一百一十里

案縣東秋樹園東界涉縣越峪子村索堡鎮至東

西字莊復入縣界共有村莊十二俗統稱東山溝

西曰隴阜鄉共四十二村 距城里數註各村下

下趙垓 五里 古縣村 八里 城西村 八里 港北村 八里

麥倉村 五里 西河寨 一里 下桂花 三里 上桂花 五里

李莊村 八里 上莊村 八里 南信村 二里 北信村 二里

前白雲 二十里 後白雲 二十里 窑頭村 五里 烟子村 五里

鴿子岐 三十里 孟家莊 二十里 北馬村 十五里 靳曲村 十五里

東社村 二十里 正社村 五里 西社村 五里 上遙鎮 三十里

東柏峪 二十里 西柏峪 五里 郎莊村 三里 大士村 五里

古寺頭 七十里 鶯裡村 四里 渠村 五里 河西村 五里

西下莊 七十里 石板村 六里 平頭村 七里 前莊村 四里

黎城縣續志

卷之十一 山川

七

後莊村 五十里 中莊村 四里 行曹村 四里 蘭溝村 九里

賢坊村 五十里 城南村 八里

南日漳源鄉共七十二村 距城里數註各村下

土嶺村 一里 西仵村 十里 東仵村 十里 趙店鎮 十五里

東旺村 五里 南橋溝 二里 北橋溝 一里 東窪村 五里

西窪村 五里 青南村 六里 陳村 五里 董北村 五里

上村 五里 下村 三里 望壁村 五里 上臺壁 十里

下臺壁 八里 中街 五里 喬家莊 八里 賽裡村 十里

正川村 五里 坑東村 五里 坑西村 七里 坑南村 八里

南村八里東水洋村十五西水洋村十八隔道村

路堡村二十隆旺村十八壁流村五里南堡村三十

風子駝五里十范家莊里十五程家山五里段家莊二十

顧家莊里二十張家山里二十宋家莊里四十沿井村五里

墳岐村五里十榆樹平里三十下莊里四十暴家腳五里

好地港五里十橫岐河里十五西坡村里三十以下二十七村

水峪村二里十王崗村里四十灣裡村五里馬家山四十

棚頭村里六十新豐村里七十靳家園里五十安樂村里六十

赤壁村里八十烟院村里八十侯家灘里五十窰子坡里六十

黎城縣續志卷之一山川八

興治村里七十羊羔村里八十航車村里五里行堂村里六十

公泉村里七十色卜口里六十後壁村里一百崔家拐里七十

南莊村里七十回元頭里七十榔樹園里八十東平莊里八十

任家莊里八十車黨村里八十

案五美里舊割入平順縣乾隆中縣廢仍改歸其

地在漳河北者十六村王曲村灣裡村新豐村西

村靳家園羊羔村烟院村公泉村在漳河南者十

赤壁村色卜口窰坡後家灘行堂莊惟航車

村安樂村與治村後壁村崔家拐南莊惟航車

居河兩岸土人別徑南北航車諸村俗稱南河

漕

北日委泉鄉共五十三村

距城里數註各村下

白坊村 二里

上趙埭 五里

靳家街 十里

西宋村 十里

石羊墳 十里

大停河 十里

小停河 十里

霞莊 十里

元村 十里

蘇村 十里

莊頭村 十里

李堡村 十里

北社村 十里

洪井村 二里

洪河村 二里

吳家峻 二十里

橫嶺村 二十里

石橋背 三里

長畛背 三里

曹莊村 四十里

王家莊 四十里

百官莊 三里

車園村 五里

高石河 二十里

榔坡村 三十里

東路駝 四里

西路駝 四里

郭家莊 四十里

黎城縣續志

卷之一

山川

九

前賈嶺 四十里

後賈嶺 二里

原泉村 六里

原莊村 六十里

寺底村 六十里

河南村 六里

五十畝 六里

石背底 七十里

南委泉 六十里

北委泉 五里

南桑魯 七里

北桑魯 七十里

東井村 七十里

西井鎮 七里

下寨 六里

彭莊 八十里

白寺峻 八十里

南陌村 八里

北陌村 八里

上青泉 七十里

下青泉 七十里

看後村 八里

嶺頭村 七里

赤峪村 十里

小寨村 一百里

古蹟 墳墓園

林附

錯整溝在五美里與沿村西相傳縣治水欲濬漳河
南流山勢相逆水不能下禹改渠導東漳流始通鑿
痕今存 見平順縣志

雙射泉在五美里就車村相傳唐太宗征竇建德至
此缺水太宗連發二矢拔箭水出 見平順縣志

墳墓

金劉進士墓在侯壁里榔樹園山傍有碑

忠烈李養裕墓在縣東繡屏山下之曲池距城三十

黎城縣續志 卷之一 古蹟 十

里

濟南府通判李芳黃墓在繡屏山下舊阡距城三十
里御史李時謙撰墓表大學士陳廷敬題石

潁州州同前建德縣知縣李瑛黃墓在縣東鳳凰山
下之二橋距城三十五里

緇州知州李涵墓在縣東繡屏山下之上池距城二
十里

安化縣知縣王發祥墓在縣西八里城南坑
靖安縣知縣王端墓在城北里許之大坦坑

大名府知府靳榮藩墓在縣西九龍山下舊阡距城十里

荊州府通判王堯臣墓在縣西城南坑

長葛縣知縣何雲輝墓在縣東繡屏山之大家背距城三十里

廣東守備前藍翎侍衛李永祥墓在縣東陳村坑距城八里

廣東鹽運使王發越墓在縣北之牛居野距城六十里

黎城縣續志

卷之二

古蹟

十一

安鄉縣知縣郭維新墓在縣北橫嶺野距城二十里
烈婦趙孺人墓在縣東繡屏山下之葦峪距城二十五里
李濂撰墓表

園林

磊園在長凝村李甲黃構

六松園在下桂花村高步蟾構

後樂園在麥倉村靳尙端構

民事志

戶口

實在土著民人一萬六千三百二戶九萬九千二百九十口

田賦鹽法附

民田康熙十六年編審定額實在共地二千六百一十七頃六十三畝八分一釐一毫各徵不等共徵折色並加增馬草絲絹租課共銀一萬四千三百七十四兩一錢二分二釐八毫零

乾隆二十九年裁汰平順縣併歸本縣民田共地一百七十六頃七畝九分一釐二毫零各徵不等共徵折色並加增馬草絲絹租課共銀九百一十四兩六錢八分四釐一毫零

黎城縣續志

卷之一

田賦

十三

以上共民田二千七百九十三頃七十一畝七分二釐三毫零共徵銀一萬五千二百八十八兩六錢七釐

本色米六十五石一斗三升八合四勺

屯田共地九十二頃三十七畝八分五釐隨糧折徵共徵折色銀二百五十五兩二錢四釐

丁賦康熙五十年審定丁冊定爲常額續生人丁永不加賦乾隆三十七年停止編審實在行差人丁一萬六千二百九十一丁共徵均徭並辦買本色顏料

加增銀五千三百三十八兩一錢二分六釐三毫零
乾隆二十九年裁汰平順縣歸併本縣實在行差人
丁一千一百五十四丁共徵均需並辦買本色顏料
加增銀四百六十八兩八錢三分四釐一毫零
以上共行差人丁一萬七千四百四十五丁應徵
銀五千八百六兩九錢六分四毫零於乾隆十年
歸入地糧徵收銀二千八百八十四兩六錢九分
四毫零隨丁辦納銀二千九百二十二兩二錢七
分於道光三年一併改歸地畝

黎城縣續志

卷之一

田賦

高

實應徵地丁銀二萬一千三百五十九兩九錢七分一
釐四毫零

外徵酒課銀二十一兩二錢二分又分收平順縣額外
酒課銀三錢

商稅銀十五兩六錢二分六釐

匠價銀二十六兩五錢五分又分收平順縣匠價
銀八錢九分六釐二毫奉之歸入地糧徵收

以上共銀六十四兩五錢七分二釐二毫

統共銀二萬一千四百一十五兩五錢四分三釐零

共本色米六十五石一斗三升八合四勺

實起運銀二萬四百八十九兩九錢三分四釐

地丁銀二萬三百二十六兩二錢六分九釐

戶部顏料銀二十一兩六錢三釐

本色造絹銀十四兩七錢九分三釐

時憲書紙價銀十八兩五錢三分三釐

舉人牌坊銀十三兩

新中舉人花紅等銀二兩五錢

黃絲木櫃銀九兩七錢九分九釐

黎城縣續志

卷之一

田賦

十五

黃蠟價腳銀五錢一分一釐

商稅銀十五兩六錢二分六釐

酒課銀二十一兩五錢

裁汰鄉飲酒禮銀五兩

裁汰節省舖司銀四十兩八錢

實存留銀九百二十五兩六錢九釐

本縣知縣俸薪銀四十五兩

門子二名每名工食銀六兩共銀十二兩

馬快手八名每名工食銀六兩共銀四十八兩

皂隸十六名每名工食銀六兩共銀九十六兩除
裁減銀九兩實該銀八十七兩

轎夫四名每名工食銀六兩共銀二十四兩
傘扇夫三名每名工食銀六兩共銀十八兩
庫子四名每名工食銀六兩共銀二十四兩
斗級四名每名工食銀六兩共銀二十四兩
民壯十六名每名工食銀七兩二錢共銀一百一
十五兩二錢

捕役六名每名工食銀六兩共銀三十六兩

黎城縣志

卷之一

田賦

六

更夫五名每名工食銀六兩共銀三十兩

件作並學習件作二名工食銀九兩

本縣典史俸薪銀三十一兩五錢二分

門子一名工食銀六兩

皂隸四名每名工食銀六兩共銀二十四兩

馬夫一名工食銀六兩

禁卒八名每名工食銀六兩共銀四十八兩

本縣儒學教諭俸薪銀四十兩

廩生二十名每名餉糧銀三兩二錢共銀六十四兩

兩

齋夫三名每名工食銀六兩共銀十八兩

膳夫二名每名工食銀六兩六錢六分六釐五毫
共銀十三兩三錢三分三釐

門斗三名每名工食銀六兩共銀十八兩

文廟春秋二祭銀四十兩

啟聖名宦鄉賢三祠祭祀銀十一兩一錢八分

風雲雷雨山川社稷八蜡等壇祭祀銀二十四兩

邑厲壇祭祀銀十二兩

黎城縣續志

卷之一

田賦

注

雩禮壇祭祀銀三兩

關帝三代祭品銀二十兩八錢三分

文昌祠祭祀銀一十五兩七錢八分

修理學宮銀五錢

朔望行香等銀五兩六錢

孤貧冬衣花布銀四兩七錢二分

舖司兵工食銀二十七兩二錢

迎春神牛酒席銀六錢二分五釐

起送赴考貢生酒席盤纏併考中正貢旂匾花紅

銀十二兩每年銀六兩二年一辦

膳錄書手盤纏銀十五兩每年銀五兩三年一辦

戶部顏科呈文紙張價銀八兩一錢二分一釐
歲徵房田稅契銀三兩七錢七分六釐盈餘銀二十
六兩八錢二分四釐畜稅銀八兩二錢二分八釐盈
餘銀十一兩八錢七分二釐又牙稅銀一十二兩共
銀六十二兩七錢並彙解戶部

東陽關關稅咸豐八年設歲由省委員徵收

鹽引咸豐四年改歸官運定額歲銷鹽二十三名二
黎城縣續志 卷之一 田賦 六
十四引每鹽一名納課銀一百二十兩由縣解交河
東道

咸豐四年奉文河東池鹽議改官運官銷責成晉
省行銷解鹽各州縣官自派妥人領運納課由監
掣同知編明各廳州縣額定引鹽票據給領照運
每運先課後鹽不准稍有懸欠運銷價值均聽各
就地方情形酌定不許有抬價短稱以及攙和補
土勒售病民等弊每名一百二十引計鹽三萬筋
應繳課銀一百二十兩銷價銀三兩三錢四分六

釐課項封足買就出場隨時發運鹽運到地行銷
 完竣將運照彙繳河東道衙鑿孔註銷
查發色額銷引鹽二
 十三名三十四引每鹽一名納正課銀一百二十
 兩錠票銷價元銀三兩三錢四分六釐截角各署
 花費元銀二兩九錢銀匠傾課火耗卒工飯食元
 銀八錢出場禁門填票扒夫各房抽豐元銀一兩
 鹽價紋銀六十兩說合店用保頭紋銀四兩地脚
 紋銀十五六兩不等論鋪路之遠近至遠者加銀
 三四兩由安邑縣車發洪洞縣之曲亭鎮賦運黎
 城脚價辛金店巡工食雜費共銀二百七兩六錢
 五分

職官

知縣

王封濬

湖廣黃岡附監生康熙二十五年六月任

宋國楨

正藍旗奉天府漢軍廕生二十八年七月任

董鐸

豐潤歲貢四十年十月任

陳紹堯

廣西全州舉人五十四年三月任

蘇汝衡

趙州舉人五十八年三月任

田楫

湖廣京山舉人雍正元年四月任

郭承宣

山東汶上舉人八年二月任

黎城縣續志

卷之一

職官

二十

丁宏遠

宛平人保舉九年十月任

馬翹

河南宜陽舉人乾隆八年九月任

管餘慶

清苑人乾隆丁巳進士十三年二月任

劉文豹

福建長河舉人

彭學紳

江西奉新舉人十三年七月任

趙冠珪

四川三臺舉人十四年九月任

陳秀士

廣東新會舉人二十一年閏九月任

劉廷然

福建建安舉人二十二年九月任

李鍾問

福建安溪舉人二十六年七月初任四十二年再任

張葉鈺 江蘇元和舉人三十四年十一月任

姚芳遠 江西新昌進士四十五年十二月任

全吾懿 廣西靈川舉人四十八年九月任

呂繩祖 浙江海寧州舉人五十二年七月任

徐天琳 安徽潛山舉人嘉慶二年九月任

姚泰 會稽人

孟調梅

張曾獻 桐城人

王達 宛平籍江蘇人辛酉進士十年十二月任

達興阿 瀋洲官學生九年十一月初任十六年八月再任道光五年六月三任

劉汝舟 河南泌陽舉人嘉慶十二年七月任

邵棻 天津舉人二十三年十二月任

高彤舉 河南鄧州附監生道光元年七月任

周宗泗 四川涪州拔貢六年五月任

周春陽 湖北鍾祥拔貢十三年四月任

朱肇棠 湖南長沙人十三年十二月任

李貞木 進士

玉晉階 山東舉人

黎城縣續志 卷之一 職官 三

陳金鑑 浙江新昌進士 十八年六月任

姬泰聚 河南裕州進士 二十一年八月任

郭定生 直隸歸榆舉人 二十五年十一月任

趙敦訓 湖南武陵舉人 二十六年閏五月任

任鏞 直隸遷安舉人 二十八年三月任

鄭奎齡 江西進士 二十八年十一月任

李鍾杰 浙江會稽人 三十年五月任

黃星樞 福建舉人

汪慶恩 湖北江夏監生 咸豐四年五月任

黎城縣續志 卷之一 職官

陸春圻 浙江蕭山監生 五年八月任

吳載颺 順天武清吏員 六年十一月任

常郁文 山東舉人 十年六月任

張懷堃 直隸廣昌舉人 十年七月任

皮家驥 江西舉人 十一年八月任

陳仲貴 直隸清苑附貢生 同治元年四月任

鄭灝 順天大興廩貢生 十三年八月任

徐焮 陝西朝邑拔貢 光緒二年八月任

程以敬 湖南湘鄉舉人 六年四月任

董慶咸 順天籍浙江會稽監生七年四月任

葛士達 江蘇上海附生九年六月任

縣丞 康熙四十年裁缺

王之屏 奉天監生康熙二十八年九月任

胡鳳瑞 奉天正黃旗官學生三十二年十月任四十二年正月裁缺回籍

吾兒峪巡檢司 乾隆二十九年裁缺

陳文顯 浙江山陰吏員康熙二十二年八月任

岳東鎮 山東東平吏員三十一年正月任

李學成 陝西富平吏員三十七年四月任

黎城縣續志 卷之一 職官

凌汝洪 天津吏員四十四年正月任

李茂發 直隸吏員四十八年五月任

章振 大興吏員雍正元年九月任

黃琪 浙江山陰吏員五年十月任

張瀚 宛平吏員十二年二月任

劉詹才 江西吉水吏員乾隆十年五月任

童紹美 大興吏員會稽人十二年十二月任

傅泰交 大興供事二十二年九月任

呂于涪 安徽貴池吏員二十四年十二月任二十九年十二月裁缺移駐潞城縣石城里

興史

賀中學 內邱吏員康熙三十七年七月任

賀文輝 宛平吏員五十五年五月任

施國璣 承德吏員雍正八年五月任

劉登元 陝西扶風吏員九年四月任

徐觀 浙江桐鄉吏員乾隆四年八月任

鄒鉞 江蘇無錫監生二十五年十月任

梁士璋 大興人三十四年八月任

張定國 固安吏員三十八年三月任

黎城縣續志 卷之一 職官

曹廷佩 安徽青陽監生四十七年十月任

魯鵬翻 大興人四十九年五月任

徐一清 大興監生嘉慶年間任

陳景星 浙江山陰監生二十四年三月任

朱廷欽 大興監生道光七年十二月任

魯紹連 浙江會稽人議叙二十年三月任

房心田 樂城監生二十一年十月任

林懋德 山東文登人議叙二十三年四月任

劉必剛 江西吉水監生咸豐三年任

陳 煜 順天涿州吏員

江 鑑 浙江錢塘供事

洪恩錫 四川華陽監生 同治四年任

外委

張景泰 太原陽曲人

劉清良 太原陽曲人

金興世 長治人

劉 林 長治人

陳廷梁 太原陽曲人

黎城縣續志 卷之一 職官 三五

王 陞 解州安邑人

陳 登 平陽浮山人

李夢熊 長治人

蔣得勝 平陽臨汾人

張鳳梧 平陽臨汾人

郭金榮 平陽臨汾人

馬俊魁 長治人

柴倫高 孟縣人

王康泰 長治人

耿鳳岐

平陽府人

武侯山

平陽府人

鄭福

平陽府人

牟世榮

河間府人

張燕

平陽府人

宋德魁

長治人

王嘉祥

平陽府人

郭華

平陽府人

黎城縣續志

卷之一

職官

三

公署

縣署 雍正三年邑侯田楫重修乾隆

學署 雍正十三年教諭王經重修

督捕廳 在縣治西

城守司 在縣治東即

常平倉 明萬曆三十四年知縣雷夢澤創建有長治

五年知縣丁宏遠重修同治七年知縣陳仲貴重

修光緒六年知縣鄭灝領款補修厥九座額設

入千石新增穀二千石共一萬石同治九年

正賑展賑貧民動用穀三千五百三十六石七

五合光緒三四年稟請平糶放穀三千六百三十

石三斗九升四合九勺理民借磁抵解祿米用

黎城縣續志 卷之一 公署

一百八石五斗六升四合太義鎮同知借穀五百

石東陽營借穀三百二十石城守司借穀二十五

石五斗歷年給發孤貧口糧穀一千二百一十六

百三斗八合七勺嗣於五年知縣鄭灝買補穀三

千八百一十一石九斗一升四合六勺六年知縣

程以敬買補穀三千九百六十三石一斗一升九

合三勺實存穀八千四百三十八石一斗九升一

台三勺缺額未經買補歷年給發孤貧口糧穀一

千二百一十六石三斗八合七勺東陽營欠借

穀三百二十石城守營欠借穀二十五石五斗

社倉 知縣張遵約建道光年間知縣陳金鑑重

義倉 修咸豐十一年因團練鄉勇發作口糧

書院 在縣東北嘉慶三年知縣繩

豐八年知縣吳載繼重修原存地一頃三十九畝

市房三處均在衙前街路西又存銀九百六十四

兩六錢五分存錢五千串以

上四項生息作為士子膏火

社學 久廢其舊址卽
今東陽書院

義學 今廢

黎城縣續志
卷之二
公署
二十六

學校 向係小學原定學額八名雍正三年覆准

文廟 乾隆四十八年知縣邵崇教諭丁鼎重修並修學宮

明倫堂 嘉慶六年知縣徐天琳重修
光緒七年知縣程以敬重修

忠孝節義 祠 在明倫堂左右雍正
六年知縣田楫建

聖裔碑 乾隆二十七年為
北峪岐孔氏立

教諭 康熙三年裁乾
隆十五年復設

吳二相 安邑舉人

馮履泰 代州舉人

徐致中 馬邑拔貢

黎城縣續志 卷之一 學校 三九

晉國佐 襄陵副榜

張 鎔 陽曲拔貢

劉 岨 夏縣舉人

籍永禧 代州舉人

高如璧 沁源舉人

盧 勤 襄陵拔貢

李子政 汾陽恩貢

邢玉棟 定襄舉人

郝大章 介休舉貢

孫祥和 絳州恩貢

丁 册 恩貢

冀攀桂 文水舉人

郝汝薰 高平技貢

余積善 應州舉人

劉爾常 太平舉人

郭深基 榆次舉人

王炳文 榮河技貢

王錫卣 平遙附貢

黎城縣續志

卷之一

學校

二十

李尉堂 崞縣人

尹承綬 平遙附貢

張龍光 靜樂貢生

柴天植 河津廩貢

訓導 乾隆十五年裁改設教諭

王應慶 趙城歲貢

柴鼎鏞 聞喜歲貢

徐 穎 寧武歲貢

齊峻德 陽曲歲貢

蘇居仁 夏縣 歲貢

董其弑 解州 歲貢 以上康熙時

張文憲 夏縣 歲貢

閻琨 聞喜 歲貢

王經 萬泉 歲貢

李名選 遼州 歲貢

郭崇 趙城 歲貢

案官師題名宜以類次舊志別載非例姑仍之

祠祀

先農壇 在土嶺村東海雍正六年知縣四楹建

文昌祠 在儒學東本為明太守劉公祠民齊高先生所建也乾隆初年因文昌閣傾頽棲神於祠之正殿修葺俱高氏力乾隆四十年重修咸豐五年再修

文昌閣 在城垣上 巽方今廢

關帝廟 在河下街康熙二年知縣周尚賢毛如珍重修乾隆三年知縣丁宏遠創建啟聖祠並重修大殿嘉慶十八年縣人高龍飛等重修兩廊咸豐三年賊焚大門八年知縣吳載颺重修

城隍廟 在縣北街壯麗為邑中巨觀咸豐三年燬於賊八年知縣吳載颺集眾修復

火神廟 在縣治東北道光元年知縣邵榮創建同治六年知縣陳仲貴重修

黎城縣續志 卷之一 祠祀

奎星樓 在儒學東南乾隆九年知縣馬翹重修嘉慶六年知縣徐天琳教諭盧勤重修

昭澤龍王廟 在縣西北隴阜山或稱馬鞍山廟在洞前內有欽頒雲恩雨澤匾額山西巡撫一等威毅伯曾國榮書澤被蒼生匾額光緒五年河南彰德府安陽縣知縣祈雨立應敬懸匾額

前捐銀一百一十兩為修葺廟宇之費襄垣知縣因旱禱雨大沛甘霖創建行宮並碑記○池口街舊祀二郎道元元年增昭澤祠又王廟亦自神福

靈澤龍王廟 在西街咸豐三年為粵逆所焚碑記無考同治九年知縣陳仲貴修內有遺愛

碑存焉

曹莊龍王廟 舊號曹王廟以祀操也乾隆十二年

那守巴陵李公按部毀之改今廟

玉皇廟 在耽

東里

九天聖母廟在車里

三聖廟在池口街乾隆六十年創修亭道光二十一年重修

廣生祠在池口街嘉慶二十二年縣人李復初重修

大禹廟在侯壁里正德年重修申章撰記

湯王廟一在東禪南一在樂頭村

潞子祠在縣東南十五里潞祀潞子嬰兒

李衛公廟在車里

崔府君廟在車里

甘王廟在石里

黎城縣續志 卷之一 祠祀 三

土地祠在北街康熙三十四年知縣宋國楨建嘉慶

慶二十八年知縣陳仲貴建立亭

寺觀

寶泰寺

在故縣村距城八里碑文被風雨剝落模糊

皇五年然之從子伯珠重修按郭然世封陽曲建

社太原上祖從官遂家此邑其碑額橫書云尙書

省使儀同三司潞州司馬東原郡開國公薛邀因

檢郭建欽王神通等立義門寺恭敬侍佛頌曰時

雨洪濛香烟氛馥天長地久春蘭秋菊大殿門額

道光乙巳耶縣陳金鑑書與泰寺三字後跋云寺

有隋開皇間碑石所記乃邑人故襄垣郡守郭然

船九級浮圖迄周兼齊運法象沉淪然之從子伯

珠重建考襄垣為郡始於元魏廢於高齊則斯寺

不特非隋并非周齊為北魏古寺矣宋韓固法堂

記謂寺為隋建賜額寶泰者特未詳考耳

福勝寺

按李堡村舊有建禪庵金大定三年賜名福勝院永安丁巳歲昭義節度李晏及諸僧士

黎城縣續志

卷之一 寺觀

選村東勝地

一處名曰石佛頭將寺移建俗稱新寺即福勝寺也碑陰詳載寺僧善清移寺情狀並其德行宗派

洞子寺

在東關即八蜡廟乾隆二年韓燦等重修後殿嘉慶十六年王遵祖等重修光緒三年高

宣等重修

佛頭寺 在侯壁里有龍泉水洞

元熙寺

在新安里內有七聖寶塔

龍祥觀

在王曲里金大定元年道士張可用建觀前水泉時見瑞彩令弟子劉正元奏請賜額進

水陸寺

在侯壁里

大雲寺 在石灰里
龍耳山下

龍門寺 在石灰里

崇仙觀 在石
城里

黎城縣續志
卷之一
寺觀
三五

紀事

康熙五十年十月黎城民王松養妻冥氏一產三男
道光十四年四月中旬地大震數日乃止

二十四年秋七月有龍見於東關民田間烟焰障天
男婦羣相往觀須臾大雷電忽失所在雲霧中恍見
尾長丈餘蜿蜒上升其盤旋處形迹蓋一畝有餘云
咸豐二年冬上村張某偶行雪中見有片土雪落即
消氣隆隆若蒸也異之因掘其地獲一鐵鑄巨礮聞
於官昇之入城次年粵匪之變用以擊賊蓋兵兆也

黎城縣續志

卷之一

紀事

三

三年正月二十二日黎明天赤映窗如火至午方止

八月二十三日粵匪林鳳翔入境城陷二十四日東

竄入河南涉縣

粵匪偽丞相林鳳翔八月中陷平陽後率眾由岳陽道入潞境蹂躪屯留

長子長治各界旋陷潞城警報逼黎二十三日捕掩

至城下知縣李鍾杰偕典史劉必綱守南城賊分隊

攻西門眾散南城亦不守賊攀堞蠶擁而入必綱

被傷墜壕鍾杰亦為眾擠仆城下其妻鍾氏女蓉仙

媳任氏及家丁馬凱均罵賊不屈死城中被殺者二

十餘人是夜賊破城隍廟二十四日天未明即

棄城東竄所至焚掠過東陽關自卯至巳絡繹不絕

遂全隊竄入豫省鍾杰既甦憤甚過道旁井奮身投

入為縣人韓富所救不死事聞與必綱均如例

賊負傷得未滅其妻女及媳皆賜恤如例

七年七月有蝗自東來食秋禾麥苗知縣吳載颺率

民撲捕災少減次年春復收買蝻子蝗乃滅

十一年六月鄰境搶匪竄擾設局練勇二百名至同

治八年始撤

同治元年至四年冬狼被傷者甚眾

六年春大旱六月末如雨時池竭泉涸緣山諸村皆
汲水漳河雨後百穀失時農家惟種蕎麥禦饑

七年西陲不靖陳帥國瑞領馬步兵五萬餘從黎城
迺知縣陳仲貴供億有方民不知擾

九年秋七月十七日雨雹大如鷄卵威里店等二十

黎城縣續志

卷之一

紀事

三七

四村秋禾並傷知縣陳仲貴詳請賑恤動用常平倉
穀一千七十八石八斗有奇其各村應完錢糧一千

五百十九兩一錢分別蠲緩

陳令捐廉加賑極貧復
籌款散借各村籽種

十一年有以妖術陰截人髮辮者人即癡迷無識慼

慼待斃蓋魂爲所攝也其術傳是役紙人爲之凡受
害者急以水噴地則髮與紙人立見可無恙或以朱
書斃麒麟院四字佩之邪即遠避不能侵矣

光緒元年冬無雪

二年冬無雪

三年自春徂冬雨澤稀少晉省秋禾未登遂至大祲
秋收歉薄尙未成災惟四隣荒旱糧價昂貴斗米
十錢貧民買食維艱知縣徐林稟請開倉平糶未終
去知縣鄭灝繼之先後平糶穀二千一百三十餘
石撫卹貧民自秋徂冬雨雪仍缺二麥失種民情益
形困苦輸賦維艱因稟請停徵並將民欠未完錢糧
銀六千九百餘兩米六十五石詳請緩至次年麥熟
後帶徵復同典史洪恩錫督率紳士丁昭李世貞韓
長林李壽椿高世泰王永昌查明各村極貧大小八

黎城縣續志

卷之一

紀事

五

千九百七十七名邀勸商富共捐輸錢一萬八千八
百四十七千又動用地方公項錢一千四百六十串
採買米石設立粥廠遠者散米賑濟明年春間又復
缺雨斗米價至一千八百饑民愈眾復稟請平糶常
平倉穀並緩徵本年上忙錢糧前後動用常平穀三
千二百五十七石二斗延至七月力難爲繼道殣相
望當蒙爵撫部院會撥給漕米一千七百石接濟復
蒙將二次所緩錢糧暨雜米奏奉

諭一律蠲免是年秋收中稔惟西鄉七處等二十三

村及附城四十五村仍屬歉薄又蒙撥給麥種銀二千兩棉衣二百件散放貧民五年春又撥東漕米一千八百石源源接濟貧民未至失所其地有荒蕪者撥給官馬散給各村馬六十匹匹定價八金其價仍給村民令購買農器爲墾荒資民困始舒

縣人李讓弗順於親適卧病於家有虎每夕咆哮其門而不能入讓死虎乃發冢破棺殘其骸而去


縣人趙如勝少粗讀書暴戾恣睢妻王氏日被驚死體無完膚至令子溺其口王竟鬱死邑令釋懲以快黎城縣續志

卷之一 紀事


五

未蔽厥辜也一日忽口稱爲王所訴赴城隍廟云云受杖三十被夾者三臀脛暴腫以至死云石灰里龍門寺一僧雜寂聽夜被虎啣去見一白髮老人馳至云此人不該死放回次日晡匍匐歸寺身竟無恙





黎城縣續志



人物志

選舉

進士

王發祥 康熙乙酉舉人雍正甲辰進士任湖南安化縣知縣

王端 康熙庚子舉人雍正癸丑進士任江西靖安縣知縣

王巖 乾隆丁卯舉人戊辰聯捷進士

靳榮藩 乾隆甲子舉人戊辰進士歷任河南新蔡直隸遷安等縣知縣蔚州遵化等州知州

署大名府知府

黎城縣續志 卷之二 選舉

王晉 嘉慶辛酉舉人己巳進士選澤州府教授

董琮 嘉慶癸酉舉人甲戌聯捷進士任澤州太原等府教授

周國賓 嘉慶年間恩賜進士授國子監學正

王發越 道光乙酉舉人丙戌聯捷進士歷任山東清平鉅野等縣知縣高唐州知州雲南曲靖府知府大理府知府迤西

兵備道擢授廣東鹽運使

王元晉 道光己酉舉人候補郎中籤分兵部同治乙丑進士候補知府指分四川署綏定府

府知

高桐 道光己酉舉人同治辛未進士署浙江鎮海縣知縣現任餘姚縣知縣

高廷燈 同治庚午舉人光緒丙子進士籤分直隸即用知縣



舉人

高 振

康熙己卯舉人歷任
解州學正夏縣教諭

王協帝

康熙癸酉舉人

靳尙端

雍正甲辰舉人
銓忻州學正

曹翰周

雍正乙卯舉人

高日恭

乾隆甲子舉人
任稷山縣教諭

高 獻

乾隆丁卯舉人

李大亨

乾隆丁卯舉人

高濟謙

乾隆辛卯舉人

黎城縣續志

卷之二 選舉

馮端孝

乾隆己亥舉人
任馬邑鄉訓導

王 頤

嘉慶戊寅舉人
任臨縣教諭

高 壘

道光乙酉舉人
補孝義縣訓導

王煥辰

道光甲午解元

郭維新

道光庚子舉人任湖南安
鄉縣知縣改任孟縣教諭

段椿齡

道光甲辰舉人借
補河津縣訓導

王蘭昌

咸豐辛亥舉人

王 銑

咸豐乙卯舉人任平遙縣
教諭現任山陰縣教諭

王錫晉

同治壬戌舉人現任
河南長葛縣知縣

范亞魁 光緒乙亥舉人

恩貢生

李 霈 王聯芳 王舜臣

王繩祖 高 科 李士敏

王緝宗 王 晉 申無咎

李唐嘉 王日虎 崔之垣

王開業 張嵩年 高日從

王文光 王蒞蒞 靳毓豐

高炳文 張鵬昇 張敬躋

黎城縣續志 卷之二 選舉 三

李樹聲 王士銓 王 珽

王端已 高 宣 范 鼎

王 汾 丁 昭 趙汝翼

高世泰 范 璣

拔貢生

李 濂 康熙壬子 崔 熿 康熙乙丑

李 灝 康熙戊寅 申如岳 康熙戊寅府學任

韓 煜 雍正癸卯任 王帝臣 雍正巳酉

高 獻 雍正巳酉府學 王洪鯉 雍正乙卯

崔學郎 乾隆辛酉

高福謙 乾隆癸酉

王堯臣 乾隆癸酉 任荆州府通判

王禹臣 乾隆丁酉

王霖

王尊祖 乾隆己酉

王晉 嘉慶辛酉

高濬 嘉慶辛酉

秦經 嘉慶癸酉

靳桂 嘉慶癸酉

王發越 道光乙酉

楊成棟 道光丁酉

王蘭昌 道光己酉

高廷燧 咸豐辛酉

段鎮 同治癸酉

副榜

黎城縣續志 卷之二 選舉 四

王惟精 康熙丙子科

秦均 康熙辛卯科

王端 康熙辛卯科

王巖 雍正壬子科

張正巳 乾隆庚午科

張天樞 科分未詳 由平順遷居黎城縣

歲貢生

靳於義 李題黃

張秉文

王不勳 韓日宣

李淑世

李御 崔巍

崔焯

王輝 李良木

李安身

王纒 王燭

崔端泰

何湖 王待聘 郭宗文

高綿 史闕文 王聘

王思周 王錫齡 王惟崧 任太谷縣訓導

李甲元 王世瑞 任平陸縣訓導 郭良輔

申開基 任沁源縣訓導 韓煜 趙封卿

李成楷 高粵 馮崇義

李式廓 王特達 王軾 任平陸縣訓導

崔徵隆 李唐奕 趙正

高搗謙 李濟泉 任嵐縣訓導 秦樹本

秦城縣續志 卷之二 選舉 五

張世芳 王瀛亮 王以邠

李咸臨 任稷山縣訓導 高履謙 王瑾

王琳 董明昌 任忻州訓導 李復先

王輔清 王崇 任陽曲縣訓導 申維嶽 任沁源縣訓導

徐元 王文謨

周爾适 韓雲章 趙炳辰

張樂慄 李躍淵 高端 任澤州縣訓導

高漢雯 王守儉 高炳謙

秦恂 岳會樞 王一貫

馬繼曾

高牧謙

賈成瑱

王翹

張大年

延邦祚

李一鳴

任垣曲縣訓導

李燕喜

任絳縣訓導

王宣侯

任靈石縣訓導

王初泰

申指南

主雲

高日直

王復

王文霖

范清弼

李晉錫

王賜信

任馬邑鄉訓導

王庠

王錦騏

申時顯

王士鈐

王履中

王錫蘭

王正已

王鎮

李夢騏

黎城縣續志

卷之二

選舉

六

申廷楨

賈煥銘

馬驥雲

王梅川

董任

李掄秀

崔洵

楊汝舟

王之楨

高樹

任太平縣訓導

李志酉

王懷義

王醅

楊清韻

張拱奎

范恆

李濬源

王顯相

董瀛洲

王蕙昌

范永昌

張秉堦

王詠

范明勳

范肇桂

王源

宇文銓

楊國輔 王煥章 許宏順附

劉天賜 許錦 任良鄉 劉一江

王應禎 申武韜 任教諭 申朝聘 任知縣

申其達 申昌言 王鎮寰 任洪洞縣

華縣 知縣 王御寰 任沁源 申孔碩

劉積燦 申昌先 王端極 考授

申朝周 申國昌

例貢生 李登黃 李沂 高捷

黎城縣續志 卷之二 選舉 七

李圖南 高光謙 高日睿

申涵 李松年 魏珍

范大振 李唐華 李宗白

高仰漢 李從善 韓植

申鑑 申生嶽 韓世銳

祝錫蕃 高賓賓 劉鎔

韓輔國 韓長林 王越

高金臺 郭呈祥

薦辟

高獻 康熙己未拔貢 舉博學鴻詞

武科

李永祥 道光壬辰武舉丙申進士 欽點 藍翎侍衛授廣東督標中軍守備

劉榕 同治壬戌武舉 乙丑進士

王掄魁 道光己巳武舉

花毓錦 咸豐戊午武舉

劉楫 同治壬戌武舉

仕宦附職員

李圖南 例貢任大甯縣訓導

黎城縣續志 卷之二 選舉 八

高自謙 監生任江甯縣巡檢

李宗白 例貢考授縣丞

韓輔國 增貢生署大同府蒲州府訓導

韓長林 原貢生 武府訓導

張資 元時人任黎城縣尹弟俊任千戶姪儀任副使同居三世各宦有聲 以下平順附

申朝用 生員任直隸經歷

王德正 四川奉節縣典史

高慶爰 州同 以下職員

李日輝 州同

高日智 布政司 經歷

李秉恭 理問

楊元生 吏目分發 雲南試用

劉道泰 州同

江景昌 都司

王建祿 守禦所 千總

李麟祥 總 衛千

王麟臺 總 衛千

李 增 守禦所 千總

黎城縣續志 卷之二 選舉

九

李新滋 同知

高芸臺 典史分發 陝西試用

秦書升 候銓 典史

高金臺 附貢生候 銓 巡檢

李世貞 守備

王永昌 廩貢候 銓 訓導

李壽椿 廩生候 銓 訓導

封贈

李觀成 秉恭之父 贈 翰林 郎 乾隆四十九年

靳尙端 榮藩之父贈朝議大夫

高榮謙 日恭之父贈修職郎

王親才 發越之父贈中議大夫

高立本 澗之父贈修職郎佐郎成豐六年

劉道泰 榕之父贈武德騎尉

李青選 新茲之父贈奉政大夫

名宦

程大夏湖廣竟陵人康熙間以進士任性平易濬水
兒童婦女胥得陳其疾苦清潔不妄取一錢又勤于
官治文書不少輟加意學校宏獎士類以文藝請者
抉摘是非不少隱創鑿漳灣以便行旅朔月之間百
廢俱舉邑志昔毀於兵燹乃取李生所輯之本修飾
潤色一邑之掌故賴以存蒞任五年士習民風一變
行取御史邑人送者如雲後聞其卒設位祭之從祀
名宦祠

黎城縣續志

卷之二 名宦

十一

邵棻字警菴直隸天津舉人道光初除知縣甫下車
即訪民疾苦以次更革縣丁糧乾隆時未盡改歸地
畝久之遂有無賦而多丁者貧民重困遁逃爲常乃
力爲清查請於上並均入賦中數世之積弊頓除在
官勸學課士獎勵有方後調永濟黎人思之如慈父
母至今父老言賢令必曰邵公云

陳金鑑字鏞臺浙江新昌縣人以進士任持身儉樸
御下嚴肅聽斷如神人不敢干以私尤好獎勵士類
一時文風蔚然丕變所著邯鄲行黎城卽事諸詠皆

實蹟也詳藝文

黎城縣續志

卷之二 名宦

十二

名賢

張資王曲里人三初黎城縣尹其弟俊官千戶姪儀官副使同居三世以敦睦稱並有能聲

王鎮寰字心甯王曲里人順治元年歲貢少攻苦力學父卒諸弟俱幼悉撫之成立家計不充躬耕自給釋褐爲洪洞訓導擢河南西華知縣邑經殘敝加意撫恤招流移勸開墾民漸安集向有例餽里金數百緡却之以呈誤去官華人思之

王御寰王曲里人順治十五年貢任沁源縣訓導持黎城縣續志卷之二名賢

三

已端莊豪爽待士溫恭嚴明以文藝就正者不論東脩州縣咸欽其行義每就詢民間疾苦政事得失多所匡救沁人莫不敬慕焉以上三人據平順舊志列入

高端字角園步蟾之孫好讀史傳不爲舉子程度康熙時以明經老高故大族至端日益繁衍五世同居家政無鉅細皆從取決自奉薄而事親極厚治喪誠信毀瘠如禮每夜分聚諸族仲輒以諸經分課凡言行稍不中理服式小不中度必動色以戒皆服習其教而遵行之親舊族黨遇有貧乏疾喪者周恤備至

不赴縣令田以賢良方正薦亦不
不就澤州陳相國嘗稱角田兄弟世數益遠而家法
益峻忠厚雍睦之風不墜求之故家能如是者鮮矣
及卒無論識與不識咸悼惜之

李煥黃字石菴養純次子以拔貢任建德知縣邑有
屯田丁籍隔省每值運漕僉點文移往返率先遠颺
官索之急多拒捕劫奪之案煥黃訪其弊由屯官僉
派不均所致遂造挨差魚鱗册附以條議具詳撫軍
移咨江右九行民稱便後以城工事降浙江鹽運司

黎城縣續志 卷之二 名賢 十四

經歷歷署紹甯分司武康知縣嘉興通判俱有聲擢
穎州州同移疾歸煥黃能文章有甌行草覆瓿草刊
行

李芳黃字藝苑諸生早喪父事母曲盡孝養建家祠
置祭田歲時少長咸集有古義門風性喜周急助族
黨貧者婚葬無算邑丞某客死於黎芳黃育其諸孤
得成立又嘗挾貲走千里歸其亡友之骨後以功貢
任濟南通判居官平恕一掃遺箴兩署州邑俱稱其
職謝病歸卒於家沁州吳相國瑛誌其墓

王光奇字武侯廩生天性純摯制行謹嚴自其幼時
即以孝友爲鄉人所稱嘗曰士人奚第文章爲要在
立本厚耳教人先德行而後文藝遊其門多砥躬礪
行之士一門羣從隸學官籍者八九人並有時譽邑
令聞其賢於上石中丞勵學使俱旌其門

李馥字芳遠甲黃長子由茂才入成均天性渾樸動
必以禮鄉人長而敬之晚年足迹不入城府凡婚冠
喪祭之不給者多賴其力以舉康熙壬戌比歲大祲
捐粟煮粥全活甚衆縣令程舉鄉飲酒禮延爲大賓
黎城縣續志

卷之二 名賢

五

三請始應旌其廬曰正人君子其見重如此

王端字子莊生有異稟嗜學工文年十三補弟子員
十七中副榜以庚子舉人登雍正癸丑進士乾隆初
補江西靖安縣知縣廉勤有實政於地方陋規稅契
羨餘皆無所取案牘悉手自批閱若治經然聽斷公
明遠近傳頌以母憂歸教授生徒自給每謂子曰吾
家故貧賤也慎勿狹小前人規模著有論語筆說易
說求是書說求是詩說求是春秋說求是禮記節移

集古留服

重光堂稿各若干卷弟巖字傳野戊辰進士以言事

遺戍湖南亦奇士

靳尙端字正夫生而警慧幼喪父日省墓所號哭荒山中樵牧見者往往泣下曰此靳氏孤子也既就傅力學爲諸生事母以孝聞康熙辛丑壬寅間歲荐饑倡衆捐賑又自施粥糜全活甚衆雍正甲辰舉於鄉已酉聘充陝西鄉試同考官時

詔舉賢良方正有司以其名應牒已行矣尙端歸白母視母年高微有難色卽請縣辭甚苦遣急足追還牒文事乃止母卒毀悴成疾銓浦江知縣以疾改忻州黎城縣續志

卷之二

名賢

十六

學正未仕而卒子榮藩

高獻字杼廷生四歲而孤晝夜哭不絕聲內外咸器之七歲就外傳返舍聞母哭聲屏足門外潛爲飲泣每讀書以夜分爲度弱冠補諸生授入咸均舉博學鴻詞以母老辭不赴事寡母二十餘年視形聽聲雖造次無倦容與弟岱交愛甚篤飲食教誨誼兼師友交友以誠相接對人未嘗疾言遽色人自敬而畏之足跡不履城市嘗謂人日出位之思先哲所戒士君子貴素位而行守身如玉不可不自愛也乾隆丁卯

領鄉薦以母歿不及祿養遂絕意仕進著有詩賦辭
頌一卷藏於家

高撝謙歲貢生少孤事繼母至孝博學尤精於醫活
人無算教授鄉里汲引後進多所成就捐貲募修學
宮平居自奉甚薄而性好施予村人王寬以貧覓食
他方母老不能自給撝謙時爲周濟以終其身邑北
清漳側有村田頗饒而人不治生歲多取貸爲債家
所窘十室九空撝謙爲出粟六十石俶朱子社倉法
視歲豐歉準出入與村人共計盈餘不十年而家多
黎城縣續志

卷之二

名賢

七

富饒村人沐其澤欲請於縣爲立祀撝謙力阻之所
著有律呂圖考朱陸同異辨諸書藏於家

靳榮藩字价人乾隆戊辰進士歷官河南新蔡直隸
遷安龍門知縣蔚州遵化州知州邕大名府知府署
大名道性敏悟博極羣書詩文悉代一時居官所至
尤多治績在新蔡值大水賑恤窮民設宿風餐與同
疾苦在龍門設義倉以濟貧民延驛舍以便行旅初
至蔚卽闢書院進諸生講授築暖泉石壩開東村沙
渠興修水利至今賴焉好著書公餘輒手一編或巡

行村野課民種植詢有孝弟睦姻及節婦皆表其廬
爲詩文以獎勵之有古循吏風著有緣溪詩文集緣
溪語詠史偶稿而吳詩集覽尤盛行於世學者稱緣
溪先生云

孝義

王進朝王曲里人五世同居奉旨旌表曾焚數千

金券歲饑出粟助賑甚有行義

見平順舊志

韓之珮歲貢生以孝義旌行事不傳子日宣幼有至性事親尤謹之珮嘗病疫籲代泣禱疾竟愈鄉里稱異後居喪哀毀骨立慟哭不絕聲嘔血而卒乾隆元年得旌父子並從祀忠義孝弟祠

李本植縣民也幼失父母常以不獲奉養爲恨事其庶祖母與繼母先意承顏色養備至四十年如一日

黎城縣續志

卷之二

孝義

十九

其庶祖母卒本植欲爲之服人咸謂無是禮本植曰禮緣義起撫孤兩世吾不爲服吾死無以見吾父生無以問吾心終爲服三年喪衆皆嘆異其母卧病本植與弟本立不解衣帶者累月及卒哀毀殆至滅性時方暑月比大殮絕無蠅蚋衆又嘆異與兩弟本固本立友愛備至本固少多病而性暴爲之延醫調藥者二十年不忍拂其意及卒與本立撫其孤日依依不少離未幾本立亦感疾與之同榻扶持十數月痰不起又撫其孤委曲教養後兩孤偕其子並補縣之

韓燧人咸稱盛德云

韓燧字希明日宣子也亦以孝著祖歿時父以毀成病未幾即卒燧營塋二喪哀禮並盡弔者感泣母郭氏善病朝夕侍奉躬滌廁踰十八載無倦色母歿廬墓三年其畢生常以聖賢自勵年七十八以選貢授靈石教諭卒道光甲辰旌如制

韓肯堂燧子也幼承家訓內行純篤跬步必以禮事親躬定省五十餘年與弟友愛備至雍愉之風化及一鄉學博齊峻德匾其門曰四世守禮與父並旌從黎城縣續志卷之二 孝義 二十

祀

王親才北鄉委泉人家貧力田養親晝或遠出雖百里必歸侍寢父素患心疾每發痛苦欲死有異草產南山採服即瘥地荒僻多猛獸忽一夜父疾作藥鹽不可得親才熬火求之山風霜凜冽豺狼嘯號弗懼也其妹適樊氏家貧歲收穫必析給終身弗衰歿後子孫顯貴人以爲孝友之報

王復歲貢生幼孤貧祖父嚴教之讀巖第進士以言事遣戍湖南復在家耕讀歲終必贏糧徒步走省十

餘年不懈嚴卒於戌所親負骸歸艱阻備嘗既葬廬墓三年舉孝行

李克敏字遜齋少孤母王氏延師課之讀及長以家務累親乃令弟卒讀而已授例入太學會母與妻先後亡中饋無人有勸以續娶者涕泣謝之外祖王巖以進士言事獲罪南遷辛卯冬恭遇

輦恩克敏載貲財偕舅氏冒風雪入都徧謁當道冀救還事雖未濟人以是奇之與弟友愛及分爨盡割腴產以讓平生扶困濟危戚黨多蒙其惠有子慧而黎城縣續志

卷之二

孝義

三

天鬱鬱不自得遽以疾卒士論惜之

王文霖歲貢生父早卒事母楊氏以孝聞家貧授徒於外不廢定省甘旨無少缺也嘗以事入城行至停河舖大雨阻渡宿河畔草菴中天明雨霽甫行菴爲河水漲没人謂孝感所致

王洛河西里人耕讀爲業事繼母王氏孝嘉慶二十一年七月山潦暴發屋宇盡沒洛倉卒攜妻奔走洪濤中忽見母漂水至即捨妻負母登岸及水落妻女俱停河灘扶歸移時復甦舉家竟無恙

高燠字孟倡道光乙酉舉人事繼母克盡子職卽家授徒資束脯以養年五十餘依依膝下如童也母病危醫藥無效默誦孝經數千遍以禱於神病果愈

段椿齡字芝林少孤羸不勝衣而溺苦於學雖疾不少休以諸生舉道光甲辰鄉試性恂謹居家以孝友聞與人交無疾言厲色父亡時負債甚巨及析產取薄田求做廬債悉身任不累昆季人稱長者教授鄉里後進樂其和易多親就之而中所自持耿耿然不可以非義干也由大挑遷河津訓導課士有法一如

黎城縣續志

卷之二

孝義

三

其居鄉時著有惜字引人多傳誦焉同治五年縣人舉孝子與王親才王復王文霖王洛高燠並旌

段文正號車里人事親孝居鄉和濟困扶危無吝色平順設縣舉鄉飲酒

申明善號車前里庠生妻石氏孝事翁姑以疾早逝聞善年未三旬感其賢義不再娶鰥居五十載誦讀

自娛義可風世

見平順舊志

申所守號車里人鐸之仲子也事親孝晨昏定省寒暑無間供奉珍饈至典衣鬻物無難色至今鄉里稱

續見平順
縣志

劉文奎字含遠平順鄉文學也世居與治村嘗做家
禮立祠堂執親之喪杖而後起禫以前不御酒肉兄
文彬弟文源文源前亡無子以已之第四子爲之嗣
自析其產與之不以繼嗣故別求產業蓋其兄前已
與公析家爲二公不忍絕弟之嗣又不忍傷兄之心
也其友讓如此教授生徒循循不倦尤貧者並推給
薪米焉嘗有山東人攜幼女鬻於文奎女已前聘於
王矣閱數年王來求女文奎立予之不索值且贈以
衣其隱德類如此少與斯太守榮藩以學行相切礪
及卒太守爲志其墓

黎城縣續志

卷之二

孝義

三

義行

劉守全王曲里人以省祭官隱居不仕善睦鄉族七

世同居旌爲義門

見平順善志

王三聘王曲里人諸生嘗建義學作育人才散餘粟

賑濟窮貧林泉自娛履光賓筵子御寰有傳

見平順善志

李維太學生性耿介尙義康熙辛丑歲饑倡捐米百

餘石施粥延慶寺中全活甚眾雍正間縣治傾圯率

眾修親民堂並學宮俱爲完葺乾隆元年年逾九十

以恩詔給八品頂戴

黎城縣續志

卷之二

義行

三

范紹業字丕緒庠生喜施予家世力田秋獲時輒預

戒巡田人云吾禾被竊幸勿較然人亦不忍竊也親

屬有王李二姓待以舉火者多年後各予錢百五十

串云吾老矣持此各尋生機勿相累積粟不求售每

云倘有凶荒親族皆可保全嘉慶九年十年歲饑出

粟編賑一村賴以無流亡生平不修宅舍歲入有餘

悉以賑貧人稱其德年七十卒

江凌武生家素裕居鄉有好義稱光緒丁丑歲大祲

凌出資助賑先後費一千六百金環所居二十餘村

多賴以全活有司廬旌其門

黎城縣續志

卷之二 義行

五

文苑

李御字若膺元黃長子以歲貢終工文善書旁及繪事尤好史學嘗纂邑乘有式怡堂集數萬言藏於家李吉字長吉御弟也博貫經史少以孝友著郡守楊嘗詢黎人士於金漳水部水部列其孝行以聞吉固辭曰此非人子立名地與兄御同修邑志有怡園集苦音集印可帖卒之日程大夏志其墓曰方嚴如宋儒而不傷於腐風流如晉人而不流於蕩博雅好古多材多藝則又漢之閎覽博物君子也其見許如此

黎城縣續志

卷之二

文苑

三

李孝輝字祖虞郡學增生有異質仁孝性成成童補弟子員試輒高等郡伯顧公延入五龍書院一時名人碩士咸折服從叔御纂縣志孝輝與參校時稱小阮數奇屢困場屋因殫心性理研精古學詩文著有靜觀齋文集壽七十七卒武鄉陳舜齋志其墓甲如岳字嵩生歲貢文謨子康熙成賓拔貢工時文善詞賦兼精楷法年十八餼部庠與長治魏玠並知名每膺科歲試輒各冠其庠後貢入太學以詩古文為時所重路之碑版屏幃多出其手藏弄者如拱壁

需次得夏縣教諭改補崞縣閱兩年歸家益落年逾
八旬尙能作蠅頭細楷及擘窠大書賣文以自給又
五年而卒

李唐爽字禹甸占黃孫謙之子也生而早慧十六爲
諸生旋遭父喪與兄弟哀癯如禮析箸時闈得新居
讓之人以爲難其制舉業數見至於學使而雅好古
文議論上下古今浩無涯涘凡金石文字傳志碑版
之作皆能自闢蹊徑已卯冬以年例貢太學需次訓
導卒於家

黎城縣續志

卷之二 文苑

七

董琮字瑞圃家貧力學應童試時嘗遭拂意自此愈
奮志攻苦舉嘉慶癸酉鄉試明年成進士平生以幹
濟自負而仕迹迤蹇不克展其所學以澤州太原教
授終

馮端孝字正倫爲人口吃愚沈善屬文乾隆己卯舉
於鄉官馬邑訓導邊地寒瘡束脯時不給宴如也居
五年辭歸課孫娛老時吟小詩寄意有集號可軒
人嘗自撰墓誌其銘曰賦氣也偏於剛處世也近於
方年逾古稀性狎桂薑

王晉字錫蕃祖端有傳晉爲人樸實真摯傳其家學
學使莫實齋侍郎以風雅提唱三晉極爲所獎許登
嘉慶己巳進士甫釋褐忽喪其明主講黎之書院郡
中高才生多從之問學口授指畫咸滿意以去年四
十卒

高曰直字古愚以詩文負時譽教授鄉里從之遊者
戶外屨恒滿以明經老曰達其族也亦工詩著有桂
溪詞鈔

王煥辰字伯龍號薇階幼負異才童時試爲詩落筆
黎城縣續志

卷之二

文苑

三

即驚其長老歌行尤擅長領道光甲午鄉試解額性
好遊所至名蹟多有題詠時文極爲當世所推七試
禮部卒不第著有杜律先易杜律標式若干卷藏於
家

楊汝舟字濟川好學博極羣書工詩賦每部試輒冠
其曹邑令邵警菴刺史阿里王英齋都轉皆爭禮之
令子弟從之問業果舉不得志以年例貢太學卒著
有芝軒詩稿

李星燈字西庚少負時譽爲文下筆立就爭傳誦焉

補縣學生旋食餼性耿介安貧樂道養殖或不給哺
啄自如李可倚者字在興御之曾孫也廩生文行並
爲鄉里欽重子夢麒工書有父風

范恒字肩一歲貢生治經有法教授生徒諳諳不倦
門下多知名士或登甲乙科食餼采芹者無慮數十
人性不喜言勢利鄉里小兒見輒爲之講解字義
晚年以詩酒自娛鄉人皆高其行卒年六十七

范永昌字濟華歲貢九歲喪母隨祖卧起詩書口授
皆能成誦既爲生研經之暇旁及醫理求診者常
黎城縣續志卷之十一 文苑 二十九
盈門有不遠數百里而相延者著有醫學代口訣二
卷女科二卷尤工制舉業鄉試十七次十一薦卒不
遇士論惜之

材能

王發越字英齋道光乙酉舉人明年成進士釋褐任
清平知縣累官至陞南巡西兵備道擢廣東鹽運使
引疾歸性警敏習吏治嘗令鉅野歷城刺膠州高唐
州守大理曲靖兵燹貴西多衝劇邊要地處之裕如
所至並有政績家心遇地方利弊必力陳於當事邑
人感焉著有倚雲山房集

流寓

李漁字笠翁家湖上才名課一時能爲元詞曲及唐人小說以聲伎自娛所至傾動公卿李煥黃宰建德與之友後游於黎煥黃爲賃廬居之今磊園創有荒冢傳是其亡姬云

陳政字在衡修武人僑居於黎雅善繪事寫竹石尤工與申如岳書並稱絕技頗自矜重非晨炊不繼不肯爲人操筆也得者咸寶貴之

張天斗字仲宿忻州人與李占黃友善嘗館其家性黎城縣續志

卷之二

流寓

三

伉爽能詩精堪輿家言能望氣而知其地之興廢人多神之著有仲宿紀言蠲吉辨賦步步知蹤等書占黃爲序而行之邑靈源聖井行祠有石刻繡屏遊草亦所作也

王醫士佚其名太谷人以醫遊黎設藥肆於東陽關咸豐癸丑粵匪至據其廬且役之王大罵不屈拔刀與關爲賊所殺

方技

劉炳烈精於醫過病決生死不少爽求診者踵相接
多應手而愈年近八十矣

劉士麟王國聖人諸生精於堪輿同治六年七月大
旱吏民徧祈無應士麟請於官言嵐山石麓有靈基
禱之三日內必驗官從之及期果得雨後即其地建
靈澤王祠

仙釋

張可用潞城人隱於羊羔村崆峒山谷之石室十有
餘載得服氣鍊神術虎豹屏跡盜賊不侵山之水張
拜祝石圻泉流清冷味甘汲之不竭不溢病者飲之
卽愈鄉人後爲築觀大定三年賜額曰龍祥見平順志
法聰北齊南陽內史陸機兄出塵納戒遯迹龍門山
麓坐雪誦經毫無寒色又善彌虎害祈雨澤時人呼
爲神僧文宣帝詔見與語悅之勅修寺曰法華至宋
太平興國賜額曰龍門黎舊志有龍門冬雪見平順舊志
黎城縣續志

卷之二 仙釋

三

性同詩僧也長治常煜選其詩名遂著法雲者工書
駐錫白巖寺寺有康熙中邑令董牡丹詩卷爲摹勒
之石亦留意風雅者

列女

李氏庠生高碧雯妻夫亡矢志守撫子成名康熙五十九年旌

王氏武生韓仕延妻夫故後守節無愆訓子成名
喬氏生員靳繡妻夫亡苦節堅守終身無玷

王氏溫恭妻夫亡矢志靡他事姑克孝訓子名立
都氏州同李泖副室夫亡矢志守節乾隆元年旌

李氏王儒妻夫歿撫育遺腹子成立閭里交稱

楊氏王麟珂妻青春矢志皓首完貞

黎城縣續志

卷之二 列女

三

樊氏延發枝妻夫亡後苦節自持閨門嚴肅

樊氏王朝登妻夫歿奉養舅姑撫育孤子人無間言

高氏范清翼妻歸范二載夫歿欲以身殉繼念姑老
奉養無人乃不死守節以終

韓氏花馨妻

靳氏李莊則妻

李氏楊嗣業妻夫歿貞操自勵始終一致

王氏李樂春妻夫亡矢志不貳以節著

楊氏李秉敬妻夫亡姑病篤氏湯藥親嘗以夕侍立

始終不懈以上十三人並已旌

王氏高廼謙妻夫亡氏年少矢志靡他奉養翁姑始終如一

王氏李繼富妻夫歿矢志守節堅貞不移

王氏董世忠妻夫歿奉兩世孀姑撫前室遺子孝慈

兼盡以上三人並已旌

申氏王桂年妻夫故撫姪爲嗣恩勤如己出守節三十年旌如例

趙氏李貞嶠妻夫故家貧教嗣子彷彿入學內言不黎城縣續志卷之二列女

出外言不入戚里賢之

秦氏李衍保妻夫亡一子一女並殤氏奉養姑備歷艱辛未嘗少懈

崔氏王琮璜妻夫故矢志守節孝事翁姑訓子成名楊氏王念祖妻夫歿撫孤成立

王氏曹費力妻夫歿守節四十年不移

康氏張調元妻夫故撫遺腹子成立

張氏王配命妻夫歿守節二十八年善事舅姑教子入庠

高氏劉汝梅妻夫歿苦節自持道光二十四年旌
九人並
已旌

崔氏王復統妻夫故子甫三歲母族欲令改適氏志
節彌堅矢死不渝

王氏楊登魁妻夫亡矢守二子俱幼家貧如洗撫育
成立閭里賢之

董氏庠生賈質妻夫亡姑老子在襁褓氏孝親撫孤
始終不懈

申氏王錫璵妻夫病篤氏剪髮以矢不貳及夫歿將
黎城縣續志 卷之二 列女 三六

繼以殉遇救不死紡織度日訓子成名

趙氏李 妻孀婦李徐氏子婦也年十八夫故遺
子作聰兩世一孤誓死守節事孀姑以孝撫子為諸

生入太學守節四十六年縣令匾旌其門

李氏庠生盛日昇妻夫歿氏年十七生子甫三日家
貧無以為生卒克矢守教子成立

史氏歲貢生李御妻夫歿撫孀室遺子成立子死遺

孫三皆撫養成立 以上七人道光
二十四年旌

范氏斬作父妻夫亡守節四十六年人無訶言

王氏王保德妻夫歿矢志不貳人稱其賢

李氏監生李蔚妻夫歿矢志守撫子成立

郭氏原九成妻夫亡家貧事姑教子孝慈兼盡

劉氏郭清桂妻夫亡矢志守終身無玷

王氏靳鍾琇妻夫亡矢志守事姑盡孝撫子成立

王氏申時敏妻夫亡守貞四十年克盡婦道

郎氏楊沚妻夫歿矢志守事親撫孤人稱其賢

田氏王全仁妻

王氏靳恒妻夫歿守節壺範嚴肅

黎城縣續志

卷之二 列女

三

汪氏王師晉妻夫故家貧堅守訓子成名

楊氏王步青妻夫歿守節五十七年教子成立人稱

其賢

劉氏張永和妻夫歿矢志守節訓子成立

冀氏王性善妻夫故矢志守不爲家貧所奪

王氏孔慶昇妻夫歿守節三十一年孝事翁姑始終

不倦

申氏張昶妻夫歿守節事親撫孤孝慈兼盡

申氏王廷彪妻夫歿守節五十一年冰操凜然歷久

建氏王福妻夫亡氏年十八矢志撫孤卒克成立

王氏高廷彦妻夫歿家貧無子或有欲奪其志者氏
矢死靡他守節以終

高氏馬業信妻夫病湯藥必嘗衣帶不解呼天誓地
欲以身代及寡守節以終

王氏楊景文妻夫故哭泣不絕聲或勸其改適氏斥
之曰女子從一而終何以勸爲

黎城縣續志 卷之二 列女 三六

許氏張緒申妻夫故飲泣吞聲堅貞自矢

申氏段永緒妻夫歿遺孤在抱氏藉女工度日卒克
撫之成立

曹氏生員王學正妻夫歿時悼痛求死者數賴戚黨
勸慰守節以終

杜氏高廷豪妻夫歿勤苦持家教子成立

王氏韓思恭妻夫故事姑撫子堅貞自持不以色笑
假人

張氏王作新妻夫歿家貧氏奉養翁姑克盡婦道終

身無少渝

趙氏千總韓治國妻夫亡矢志恪恭自持閭範嚴肅
李氏庠生王廣仁妻夫歿蓬首垢面足不履閭外奉
姑撫孤人無異言

汪氏庠生王翰妻夫歿翁卧病氏代夫致孝甘旨無
缺戚里稱之

李氏介賓高廷傑妾夫歿守節三十年

馬氏李青選妻夫亡飲冰茹蘗撫子成立

張氏趙丙午妻夫歿矢守奉姑訓子人稱其賢

黎城縣續志

卷之二 列女

三九

張氏崔美玉妻夫亡貞靜自持言笑不苟守節以終
徐氏高復信妻夫歿蓬髮垢面不出閭外守節二十
餘年

段氏庠生王睿妻夫亡竭力奉姑温恭自持戚里毫
無異言

曹氏王虎林妻夫歿家貧氏堅貞自矢始終不移

李氏牛黑旦妻夫歿守節三十餘年

任氏唐潮妻夫歿貞守撫子成立

靳氏唐發枝妻夫歿事姑撫子守節以終

范氏王鳳岡妻夫亡貞靜自持教子成名

王氏徐顯羣妻夫歿矢守至老不移以上二十四人

趙氏范金樞妻夫故氏年二十三歲撫子成立壽七

十五歲光緒九年學憲匾旌其門

耿氏廩生王象辰妻侯壁里人年二十四歲而寡堅

心守節撫育長子自新次子維新俱入泮壽七十八

歲惜未旌表

柳氏申繼儒妻航車前里人夫故氏年二十三歲矢

節四十年困苦備嘗惜未旌表

黎城縣續志 卷之二 列女 四十

鄭氏楊永孩妻夫亡遺孤九歲氏每言若非此兒吾

早從夫逝矣後子病篤氏亦感疾遂先子死云旌

王氏李金相妻夫亡姑欲奪其志以言挑之氏偽應

密縫衣履中夜自縊死旌

王氏李進貞妻年二十一夫歿號泣呼天託言創

入室自盡道光二十四年旌

郭氏李長枝妻少嫻閨訓舉止莊嚴夫歿之日投繯

以殉同治五年舉

秋菊王氏年十七偶爲惡少程爾強汗捐軀明志旌

隆慶十二年旌

郭氏貢生韓日宣妻夫盡順親之道養志多端婦深

善事之誠孝思備篤旌

祝氏傅作舟妻年十八于歸甫半載作舟赴遠村收租多所耗蕩恐父譴責逸去數載無耗氏執婦道甚謹姑思子憐媳輒撫之而慟氏忍淚慰之曰死無生理去有來時姑誠憐媳子視之可女視之亦可也與姑朝夕依戀不少離姑嘗指謂諸婦曰此笄笄者終何依乎氏正色曰吾依翁姑何謂無依婦人不當因

黎城縣續志

卷之二

列女

四

生死改節况在生死間平作舟竟不歸姑晚年喪明

氏出入扶持未嘗少離年六十九而終

道光二十四年旌

李氏歲貢生高端妻于歸六月而姑病氏奉湯藥

旦夕焚香請以身代及姑歿所遺妹姑皆幼恩愛篤

至飲食教誨歷十餘年翁年老病痿事之如姑歿後

菴祭以禮逢忌日輒終日不食嘗於寢室時奠值雷

雨霹靂一聲外壁盡圯氏拜跪如常竟不知也一時

嘆為誠孝


道光二十四年旌

楊氏王曰虎妻年周百歲五世同堂嘉慶十六年旌


鍾氏知縣李鍾杰妻咸豐二年粵逆陷城氏罵賊不屈死

任氏知縣李鍾杰媳也與姑鍾氏同時罵賊不屈死

蓉仙知縣李鍾杰女與母嫂同時殉難



黎城縣續志



黎城縣續志卷之三



藝文志

詩

黎城縣

洪洞王軒

衡漳下卑懷勢若輔車依殷社未遽屋端已甚散黎
老成汲遠慮入告傷祖伊侈言天有命首懸太白旗
殷鑒良不遠國風變式微旄邱呼伯叔喪耳忘流離
哀哉熒澤戰何異殷喪師好鶴雖禍本寢薪得無危
域民資天險固圉慎地機石轉千仞山水決千仞溪
黎城縣續志卷之三詩

恤鄰豈相為實鞏邦家基虞號竟覆轍千載悲宮奇

喜雨亭

邑令程大夏

嵐山為黎邑八景之一謂禱雨輒應余政暇
登臨竊計宜建一亭無何而邑苦旱步禱於
斯既而果雨民大悅因捐俸構數楹顏曰喜
雨亭率筆賦此詎日希蹤前哲聊以昭示來
茲云爾

化調玉燭治垂裳龍德正中時雨暘油雲四嶽封中
起寰海清晏如龍光拜命莅此甫三載洞然風氣亦

漸改無才敢言撫字勞沃野桑麻春富饒每於風和
景麗時題彼嵐山一登之回蹊谷狹多荒梗連峰盤
木小洞歇中有清流夏結冰春不溢兮冬不竭巋然
祠宇兩三間再拜龍宮勢烜赫有神危坐金碧輝肅
然起敬立巖側翹首山腰萬松攢寒雲欲往躡屐難
遙指此中結亭宜賓僚載酒時躋攀後有好事登臨
者高吟谷響松風瀾遲遲未久藹隆作哀鴻嗷嗷滿
郊郭司牧何人敢自寬赤日躬禱忘飢渴誠積或有
鬼神通前此赤旱轉穰豐中宵不寐深戚戚走告列

黎城縣續志

卷之三 詩

二

神叩龍宮屏翳修駕靈霞奔玉女披衣石燕翻阿誰
倒挽銀河瀉四山震盪林木喧無端風雨百靈集萬
壑爭流郊原溢民曰霑足我侯功誰敢貪天爲己力
意者山靈鑒此衷始願結亭萬木叢昔人亭成喜值
雨吾喜時雨亭鳩工置酒落落成高會詞客欣欣載
筆從吟罷掬泉淪香茗和風習習響高松還告我民
勤耕耨歲歲幽吹蜡賽通

王趙兩孺人節烈辭

邑人

申如岳

吾友李子曰弼公伶何孤苦誰與同爲子能孝爲孫

慈負米陳情恨無窮自言祖妣及母氏後先共把柏
舟矢潛德於今弗表揚爲人節子徒然耳因從吾黨
遍徵言擬佐董狐傳青史青史流傳節婦有如王如
趙堪不朽可憐王趙兩孺人誓死心同百鍊真王念
遺腹生一子撫之九歲偏苦辛趙生一子纔四歲不
念孤兒豈念身異哉此家婦與姑一死九年後矢志
爲存孤一死不旋踵慟哭以殉夫孤存良人嗣不缺
李氏只今絲瓜疔殉夫大節後必昌一脈詩書遙相
接乃知天道福善人俾生孝慈酬苦節我家祖母新
黎城縣續志 卷之三 詩 三
與李兩世冰霜差堪比誰非仁人孝子心忍使懿行
湮沒已聊賦哀吟寫苦行情深忘却辭鄙俚持斯奉
勸閭中人自古綱常合如此

又

邑人 王發祥

捐軀守志誓千古較來畢竟死尤苦斷髮剔日可全
貞誰甘餓死入黃土異哉奇節傳繡屏兩代孤孀
伶仃那知巾幗有男子凜凜志氣炳日星一則誓死
靡他志絕位慟酒崩城淚一則侍母九年終從容不
食亦歸樾貞節耿耿萃一門總期不愧赴九原是婦

是姑良足法宜爾孝子與慈孫吾黎閭閻稱仙李忠
孝節烈亦罕比豈惟梓里景女宗仁見旌褒垂青史

黎城道中

介休 姑綸常

盤空入鳥路風雪慘征顏雲氣連前嶺河流繞斷山
鬢從新歲改雁及早春還小駐憐孤戍迢迢遠市闌

吾峪關

王軒

古戍卓危樓雄關据上游氣吞全趙暗高壓太行秋
西伯王基筆東陽霸業留蕭條餘鬪穴斷鏃澣寒流

自注王微階於
關下得古鏃

黎城縣續志 卷之三 詩

四

題建德令李翰苑詞盟精舍

忻州

張天斗

放眼邀晨爽朱簾傍曉開茅簷新雨後竹苑好風來

鳥語初喧樹蝸涎半入苔經年幽室未掃花落幾成堆

遊白巖寺看重坐牡丹

次李坦公
壁間韻

董

鐸 邑侯

東郊看二麥乘興涉青巖洞古光浮石春歸翠滿巖
絕倫姚魏色逐隊鶯鷓嘯醉頌來牟句天香已染衫

黎城縣卽事三十首

邑令 陳金鑑

古國漳河北荒城潞水東縣門槐蔭綠市闌草紫紅

黎北多紅
草可染 廳宿兵曹為增設主簿蠹掃除親執

第問民風

撫袂廣泉挹先教市價平鬻收中子路

詩式微篇中露曾詩作中

路黎國地名

呼免首山庚與餓常為粥思鄉不為羹南邦

周急者十倍此問情

剜肉終非計休言佛性慈拈花空解笑積穀好防饑

開繼鄉中社陳倉道上祠長孫朱子法前事最堪師

黎邑社義十倉久廢余次第修補以備不時

夏旱虔誠禱恩膏頃刻間為霖三日雨流水百重灣

轉眼黃盈隴疑眸翠滿山神酬邀父老暫為一開顏

黎城縣續志

卷之三

詩五

養民誠不易強教更為難漢代興廉吏周家讀法官

梯袍憐贈范廩粟媿靡韓樂育人材事非同壁上觀

班筍聯英俊心蘭印宿儒語言清肩玉咳唾散成珠

才子高陽裔瀛洲立本圖有恆占麗澤並足練京都

成名由獻賦致用在通經拾芥衣行紫燃藜杖照青

雪窗分竹簡月旦聚莎廳匡鼎為都講泥中婢解聽

退省堂邊地多生杏與桃根移傷本性枝接怕徒勞

北向山排笏東流水繪袍天然饒勝賞俯仰足揮毫

驅惟愛藥癖性只耽書麴蘗不嘗我匏笙非嗜芋

厚廉支未盡薄俸會猶餘因此興諸廢無煩役里閭
壇爲交神築城因備武修圍墻虹亘漢飛閣層虛樓
時有朱提賞從無暫澤謏年年風雨若下邑鑿金甌
壯丁時教戰古亥歲惟耕費海今澄鏡農田古寓兵
擊增臺壁壘水經注在路子所築晉王載記募并
習武軍城後魏志有武軍城簡練收材技端由賞罰明每

月兩操民壯演陣法

黎民皆尚儉多有不知勤三伏鋤攜日千夫鍾卧雲

扈催蕙蔓章馬劈賽榆枌黎俗迎神賽會一人袒裸執大刀狂呼亂劈在神前

黎城縣續志 卷之三 詩 六

開路名曰馬性習相沿久辜余勸戒文

關險吾兒峪山深燕子窠南鄉五美里地名狠貪戎伏莽狗

盜跡如麻我到除容小人來說夜叉多方擒醜類纒

首典刑加

淳樸黎人性奸回賈豎心瞞天呼竊寶掘地諱藏金

監守自爲盜追求無法尋市廛多鼠輩貓捕寫鳴琴

十九年邑東二十五里京陽關有太谷縣人趙姓屋

其東家寶銀三百兩呈報被竊余即履勘的實原贖即從店中起獲

辛苦錙銖利傾囊料賣鹽一斤砂舊拌四兩水新添

父老情甘淡兒童願食甜更欺人短稱官禁豈爲嚴
養苗宜防莠種樹貴芟藤農圃猶如此官師豈未能
門緣奴隸入堂假射鄉登非輩同魑魅常燃暗室燈
吏役宜安頓難禁衆口譏療饑分地種學字給書鈔
卯册從頭點申封着手包有時賓戲我不解子雲嘲
愛人如愛子求瘼甚求醫本俗先安富推誠始戒欺
莫教財力盡致嘆粟民移猛虎行會讀沈吟各自知
更有貧悼者鄉居怕見官斷烟憐食併冒雪憫衣單
事或樛連及情當格外看從無非罪繫鼠雀亦騰歡

黎城縣續志

卷之三 詩

七

非敢言無訟年來訟漸稀垂簾知靜妙運甕免癡肥
茶飲清詩思香焚識化機仕優勤吾學何必羨朱緋
執針兼執斲官舍豈能無破緝風前慢歌更雨後櫺
棉裘寒製白茶椀暑添盧飽飯羸酬值頻年暫一呼
邑小閒無事官衙日漸長榆錢堆薛砌棘刺茁葍牆
烏語枝頭喚蜂聲樹頂忙研朱讀周易民物想羲皇
節孝關名教權歸學校臣一雙舞萊子十九飲水人
暫振風前鐸齊褒日下綸國朝二百年來孝子
二節烈婦女十九皆以貧
故久未請旌道光甲辰春余從茲多嚮善俗尚可還
奉檄兼學篆遂申請獲旨焉

醜

白骨銜狼犬奸民義塚侵厲壇雖敬祭漏澤必親臨
黃土培封力緇流講佛音指揮由令長何忍不經心
散步東門外高人防趙初前明宏治間隱士滄溪書院教導後進有道統堂
作堂名道統修業在岡居逝水滄溪冽流風綺里墟
後先三百載莫睹舊藏書

孤城當孔道三面水環漳秋晚雙橋駕春深一葦杭
涉人供寶筏行客渡慈航何必將輿濟徒勞不可方

山水尋箕穎黎北有箕山穎水休論是與非陂陀忘路遠洞

黎城縣續志 卷之三 詩

八

穴挹泉飛村樹懸瓠老河流飲贖肥幾多懷古事憑
弔對斜暉

萬株梨暈碧千樹柿垂紅秋色平林外詩情罨畫中
壓肩成野市拱手問村翁重疊山田穀今年歉與豐
徧歷招提境都無寶泰先碑墓晉刻字塔訪魏分年
梵刹金鋪地經幢石峙天即今半湮沒雲霧亦香烟
老病歌歸去驪駒已在門搬移徐稚榻收拾孔融樽
回念讀書處難忘秋樹根題名雙石碣附驥幸隨温

余卸事後創立黎城職官題名
駕鵞石温大真嶠居第一焉

如家作宦擁專城衰病言歸豈矯情民隱可曾知體恤
恤官卑從不解逢迎悅安強教都無術撫字催科兩未明
只有寸丹堪共喻蒼髯黃髮禮瀕行

西黃須水遶東城感謝臨歧父老情眾口同聲肝膽
瀝八年無事暑寒迎韓留塵跡青鳥暗盡把晨光緣
蟻明但願歲豐人壽考含和吐氣杖鳩行

起舞聞雞夜出城多才名士更多情芳樽酒醴亭長

短祖帳衣冠路送迎柳眼桃顚春色麗雲蒸霞蔚曙

黎城縣續志

卷之三 詩

九

光明新詩先後紛投贈差喜中無猛虎行

路出黎侯古國城四鄉來送不勝情柳鶯似解陽關
疊竹馬都期再蒞迎太白杯浮方寸醉雄紅花發十
分明道旁寅錢殷勤止且立斯須不忍行

曾聞地有武軍城丁壯難忘訓練情我少鶴鶴鶉鵲
笑人多蜡祭虎貓迎囑諄鄉老遵前約慰藉農夫受
厥明眷顧吾民言盡此板輅如蟻不能行

王姓泥工舊築城侵晨送我亦深情若非幽藝良心
在豈肯前途稽首迎羽客洞天斟百末禪家淨域掃

三明吾儒僚友非方外竊悔年來請謁行

憶從沃國到黎城十載難忘餞別情龔勝題詩吳道

畫劉伶把酒呂仙迎雙肩親與洪崖拍萬目觀如象

罔明余於戊戌閏四月初六日去沃時龔大令偕吳

呂二廣文及劉巡政洪少尉同諸紳父老賦詩繪册餞送郊關略向諸君談往事不妨却謝醉歌行

道光二十七年歲在丁未三月初六日乙酉戊寅

余乞病回籍感荷諸君子東郊祖道雅意殷攀有

來自數十里以外者且皆未明振衣衝風冒霧自

問受祿八年政無一善而煩勞文從如此心何以

黎城縣續志

卷之三詩

十

安然余居黎久接禮交道未嘗獲罪於諸君子則

此一餞也或一二人或三五人或八九人至數十

人皆諸君子以禮相報以道自處而非鄙意之所

料始願之所及也孟子有言每人而悅之日亦不

足矣爲有司者安能人人悅我哉惟善者好不善

者惡如孔子與子貢論鄉人者於久任地方之官

亦猶是耳爰在塵埃中率成七律七章取易象七

日來復之數以明福地將重游云爾

抵黎城任書懷一律

邑令葛士達

空自虛名際絕倫十年猶若老官身
濫竽幕府籌無補捧檄邊隅吏愧循
百里河山形勝地萬家黎藿劫餘民
彈丸敢惜牛刀用願與窮簷共作新

巖城高據太行巔
巖嶂危峯峻插天
南下虎牢通豫楚
東盤鳥道扼齊燕
鄰疆水旱方多故
邊圉巡防敢自便
災後民窮財盡日
聞雞午夜不成眠

馮將軍歌 有序

邑令 葛士達

按漢書馮奉世字子明上黨人戰國上黨太守馮亭後以良家子選爲郎時數使西域多

黎城縣續志 卷之三 詩

七

辱命前將軍韓增舉奉世以右將軍持節送大宛
前將軍客至伊脩城莎車與傍國共殺漢所置
將軍王及漢使奉世發諸兵進討拔其城前將軍
新王傳首請京師諸部悉平威震西州
將軍馮異爲象龍而歸上悅議封蕭望之不
可乃封爲光祿大夫水衡都尉攷黎志將軍
墓在黎城社五里戚里店黎故屬上黨將軍
蓋黎產也方今四域多故東西洋各國互市
據天下要津俄羅斯復狹馮圖逞北部朝

廷以德羈縻遣使存撫冠蓋絡繹於道中
之議固以接兵息事爲首世亦無奇材異能
之士披肝膽出死力爲 國家伸威德折奸
謀競以異軟婉順幸保旦夕媿取功名爲能
事比聞法國又藉越南爲口實出不遜之語
要挾百端時局至是亦可慨已予輯黎城志
讀馮將軍傳略竊有感於私衷因賦七古一
章

漢皇西顧塵邊陲寤寐反側求奇材環視左右意落
黎城縣續志

卷之三 詩

三

落黃口白面奚能爲前朝司馬班定遠勇略冠世今
其誰將軍慷慨請自効銜命護客極西馳男兒生不
得封侯死願馬革裹吾尸一麾使節渡沙漠玉關萬
里草葳蕤丹陽劍客從徒步壯士一去還何時行至
伊脩陣雲黑攻殺長更進王師鼠子敢爾是可忍不
斬樓蘭禍必滋生久虎穴不再計丈夫磊落行便宜
將軍叱咤變天日帳卒矯健皆熊羆短刀決置嚴宋
血戰鼓迸裂翻黃埃臨陣手斫賢王首胡兒將易胡
女啼請首震懼奉約束願貢青驃與赤隼還節頤首

請死罪帝曰咨爾大夫冒死侂天威新刊國史
可春秋之書則謂成功成已者從中起首持異議
望之於戲望之於賢者猶如此英雄扼腕復何辭
生不識金華一草草在疆邊誓烈士搜鱗被謫
臣首鼠工之術則在庭唯諾幸自保坐獲邀金索地
窮期妄庸誤國千古恨世有頗牧亦奚施

曹莊龍王廟書感

邑人 靳榮藩

舊號曹王廟以祀操也前郡守巴縣李師校

部改今廟

黎城縣續志卷之三詩

三

鄴臺瓴甌已消沉尚有荒祠對碧岑一
節纜教風雨山龍吟豐年屢誌農夫喜
伯侵漳底餘魂栖不得好留直道炳人
心曹意乙卯之際土人截河毀
碎之見仇滄社杜詩註

守官自合著風裁敢使曹操再出來鄴令沉

既梁公檄廟本無災李公以三峽緣他事見法或

能為崇龍出諸天阜眾見法或鄉封祠建德賞年未

遇使君摧

和靳介人先生曹莊龍王廟書感原韻

邑人王發越

荒祠落日影沉沉漫把新苔認舊岑碧瓦仍銷銅雀

夢綠溪妙補水龍吟雞豚濫受齊民享獬豸難防長

一代好雄空自負烈冠豈見詎能禁原韻結句

撰禁字今

誰將雅事入詩談太鳳鳴翠下來既有神龍同蜡

響應無身魅作民灾不劫定幾千年臭易像何傷百

姓財壁上佳章須參管免教殿宇共殘摧

吳家語綠溪舊居

新榮藩

黎城縣志卷之三

溪水澄江綠一灣村居不用屋多間千章楊柳青週

合兩岸孤蒲碧轉圓自有佳名留北郭邑無北關而

里此地為北關豈無爽氣對西山年來頗怪移文少連客何時暫

往還

洪井山莊歸途口占在黎城西北二十五里前八

行行且止馬偏工小雨微黏柳葉風透指維南山一

碧不知身在碧山中

嵐山在黎城西二十五里前八

謾謾野風多涓涓石流瀉石上老農眠將無有道者

漳上感舊

前人

漳河逝水依然在東注還疑入渺茫古渡煙寒沙漠
漠垂鞭負手立斜陽

擊壤歌

邑人王煥辰

朝耕原上田暮耕原下田原田何昫昫春草發青烟
烟水浩浩蒲田溝俯清波兮飲耕牛牛兮見客忽屏
息吾君微行訪巢由巢由高卧不肯至天下皆知求
賢意十六才子一時升四門穆穆無虛事轍我田間
禾進我隴頭膳今朝鳳鳥鳴昨夜彗星見黃河千年
黎城縣續志卷之三詩十五
始一清寰海萬里波忽晏但得河海長如斯吾儕何
惜世貧賤

同生曲

前人

同生曲裏同離毛同屬人生最難得者兄弟昔賢以
爲卽手足禮孝爭死賊爲驚姜氏諸郎同被宿同生
曲少小同形音既長同一心願爲鴛鴦爲鸞那識參與
辰翁爲匹夫兄天子一貴一賤齊始漢文不惜淮
南才縱之驕淫幸其死蜀道一在無歸魂長信涕淚
憑誰止甄后新副魏王車忌棄骨肉親外家陳思清

才不名用西園賓從賞春華同生曲何慘慘恆山四
禽分道飛田氏三荆一夕焦粟布豆萁留遺憾同生
兄弟隔雲霄

喜雨歌

邑人楊汝舟

黎陽由來木瘠土兩歲荒歉民無補長安米貴市兒
驕物價不等任意值丈夫飢走婦嘆室珠玉自持換
阿堵十家八九如懸磬嗟哉小民多辛苦幸到今年
春纔足社公雨燕麥含新膏擢秀花如吐忽然野馬
動地舞封家姨子盡日怒風號不息三壤乾愁殺老
黎城縣續志卷之三 六

農與老圃豈知天心仁愛自有主賜之甘露霖霖如
散纓夜半不遣阿香知酒徧桑田與花塢居人不服
夢裏聽枕上驚醒頌天祐

石羊墳弔古

前人

黎陽城北石羊墳古蹟猶堪說將軍戚里新崇神廟
貌莎車舊勒戰功勳疎風冷雨悲芳草斷碣殘碑弔
夕曛最恨鄉人開墾久年年野火付牛羣

遊廣志山二首

邑人李顯

生寄黎陽四十年始來西北訪林泉羊腸繞處疑無

路蠟屐踏開別有天潭水一條織似髮屏峰幾疊小
於拳任他山下風雷作不碍晴光頂上圓
每欲攜朋瑤島巔周圍一覽遍三千果然聯袂來雲
外不羨乘槎到日邊目小乾坤何異佛手揮星斗已
成仙歸途還與銀蟾接帶得天香下暮烟

呈濟川先生

有序

邑人王元晉

濟翁夫子邑名士也自少年試輒冠軍每出
一藝諸老宿傳觀之輒以翰苑才期許今老
矣詩文哀然成集囑他年音如筮仕代爲付

黎城縣續志

卷之三

詩

七

梓因成一律即求 郢政

襟懷灑落喜吟謳兩夕燈窗一卷留織錦仙才雲五
色梨花妙舌筆千秋徐陵詞賦誰青眼庾信江關已
白頭愧我俸錢猶未蓄何年梨棗爲君謀

賦

白巖寺牡丹賦 有序

新榮藩

牡丹花之富貴者也黎西北十里許有白巖
 山山有寺寺有牡丹相傳數百年物移之弗
 活明藩藩徙封潞強移於耶闕數載寺僧夢
 一達官紫袍黃蓋至花原所詰曰花再茁而
 藩耶之花稿矣是富貴而君子者乎感宋廣
 平貞心不改之義乃為賦曰

若乃三春欲去首夏未來小園花事國色初開方且

黎城縣續志

卷之三

賦

六

延知契坐薛茗誦謫仙之三調醉夢得之一杯憐鼠
 姑之絕豔賞鹿韭之新脂客曰此花盛矣未若白巖
 寺之異也夫其種異姚黃形殊左紫匪檀丹州匪來
 洛市花藏葉裏似聽法以點頭葉出花梢疑參禪而
 伸指接樓頭之芳樹不數張家現盆內之金書休誇
 湘子昔有明之大封建也藩藩貴貴關耶潞陽葡萄
 為苑橘柚為莊玉盤芍藥金屋海棠太谷之梨可掇
 小山之桂于將既旁覆乎羣豔欲觀止於花王於是
 漳水如環嬰城如斗達彼王宮得未曾有紅非蜀葵

何來向日之心紺比華蓮惟少如船之鷁王乃勃然
盜嗟徒倚頻首護以金鈴沃以玉酒登盤羅熟欄雕
瓊玖四香初建依稀楊釗之家一捨乍開彷彿玉環
之手然是花也不爲勢迫不爲利牽無心出岫絕意
爭妍慮騰譏於猿鶴恐負諾於山川回眺烟雲似鷁
鷗懷鄉之日繫情家國擬銅人洒淚之年爾乃地迥
山空烟斜露重星貫如珠天圓似甕戴月兮言歸鄉
風兮誰送入夜則花魂一縷桐根之生死微茫凌晨
則花氣盈堦荆樹之枯榮伯仲王人駭愕越公之執

抽霄迷釋子聚觀崔護之麗人徐動所自芬馥招提
皈依大家當佳日兮响輕車值良辰而擊鼓飛鞚揮班
管以稱詩紀絳衣其入夢遠城市之踟呼謝狂且之
撫弄儼安土以能敦詎落節之足諷嗟乎槁移爲枳
質不堅也萎化爲茅道弗全也蟠朽之枝不可種近
於仙也白榆之陰不可移得於天也過潘王之故第
已頽垣與敗瓦昔貢頹其何多今採芳而實寡惟根
器之不遷乃歷年而常峙爾君子之立身不輕拔於
塵下如富貴之不淫亦何漸於儒雅余聆斯言肅然

起敬且往觀乎兼以自鏡

嵐松賦

前人

後樂主人朝拖西爽蒼翠滴空蔚藍盈掌乃進兒輩
而詔之曰彼所謂嵐山者也夫其礪礪舉嶺綠曲嶺
吮鳳凰前驅而巖業九龍拱峙而紆盤晴天而陰崖
作雨暑月而絕頂生寒谿飭怪石側出交攢風雷發
作半嶺之開山腰之膚雲未滿大地之駭浪爭濺洵
一方之巨鎮可捧日而擎天山上出泉是曰龍井不
事銀床何煩素練初滴曉巖漸過脩嶺沁石骨以添

黎城縣續志

卷之三

賦

三

涼穿雲根而倍冷搜之不濁徐牽翠帶之風進而盈
科倒印玉屏之影動川上之殷懷發濠間之深省斯
水秀與山深當冥搜而徐領也然而關稱楊葉源重
桃花嶺緣葱著山以蒜嘉梅落則孤山失色竹盡則
湘水非華假無龍鱗之樹則徂徠曷嘗藉之虎骨之
材則岱畎何誇爰有長松紛乎山麓儘餘高峯鱗皮
斑簇晉客批巖始皇蛇腹杙夜巖巖元禮謾謾或欲
懸崖或蟠深谷或欹澗而紆迴或排空而伸縮或不
立而孤清或交柯而互覆或如張丞相之眉或類毛

中書之禿號風則怒濤萬頃合天籟地籟以皆吹溜
雨則驚瀑千層渾大珠小珠於一族月出而陰影交
重霧湧而危梢猶蠹三春茂洛女之華九秋充倥傯
之穀雨露潤而不見其多斧斤入而不見其蹙嗚彼
盤桓孤樹稱栗里之先生陋夫種植四株矜草堂之
舊築是以烏巾之客白足之僧呼勝侶召良朋看山
則藍輿徐度採藥則琥珀堪徵酌廉泉而覺爽對嘉
樹以舒膺昔余少年儼居於此茶竈筆床詠歌圖史
三十年來爲名所使陟彼西山徒勞仰止乃爲詩曰
黎城縣續志

卷之三 賦

三

好山青未了茂林翠欲流鐘聲吹不去宛轉浮林邱
拂石時坐此萬象若蜉蝣青猿漫獻誚吾亦記前游
瀟得趨庭復和而歌曰收山色兮來戶牖多佳日兮
宜飲酒如松之茂兮如山之壽

賞花賦

前人

北方村在黎城北一里許有桃李果園之勝
予每以花時遊其間泉流活活鳥鳴嚶嚶柳
絲花片俯仰如瀉甲申四月之初攜一僕以
往梨李數株綠已成陰桃英飄墮散綴于菜

花韭葉之間而已二僕不憚旣而小憩野廟
見有牡丹數本爛熳階砌蓋其地向暖花視
同邑爲早予謂二僕茲遊不良快乎爾之不
憚者妄也乃爲賦曰

當首夏之初臨遡北方而心寫乘欸段以遨遊遂俯
仰于郊野何落英之繽紛忽散漫于樹下見綠暗與
紅稀悵水流而花謝穠李收芬天桃失冶杏閣已非
梨粧盡卸二僕不憚爰憩我馬于是緣陂陀陟崇岡
望野殿憇僧房塵封古瓦雨剝紅牆萊蕪欲滿苔蘚

黎城縣續志

卷之二 賦

三

相望諒不足以遊目聊偃坐以攘袂爰有名花茂于
階砌國色無雙天香誰儂僮子欣然驚視疑睇謂春
色之方闌值繁花其失麗矣貴客之先開乃胡天而
胡帝似洛陽之園中似永嘉之水際似供奉之所咏
似思公之所藝幸今日之能來尚不嘆乎濡滯予曰
爾何見之淺也萃于廟而以爲早卽緣溪行而惜其
晚也夫天運之流行本無心以相付何一日而殊觀
若遲速之異路固所遇之不齊亦人心之多驚彼赫
赫之陽曦原不改乎此度隨吾意以推移恐歲和之

欲訴令前日其能來知羣花之滿樹此一捻之胭脂
當含苞而未吐夫失意之所遭即決心之所寓思迷
得之相因亦何欣而何怒惟大塊之文章無一時而
不具能意必之皆忘乃日涉以成趣僮子莫對絜馬
而前惟溪聲與樹色若與予乎周旋

傳

申嵩生先生傳

靳榮藩

嵩生名如岳黎城之仁庄人歲貢文謨子丰容秀碩
瞳神點漆工時文善詞賦兼嫻楷法見者以爲神仙
中人也年十八領郡庠與姜治魏玠俱知名每膺科
歲試日未亨午兩人首納卷而先期折柬召他庠之
未與試者以其日譙耶舍止案發輒各冠其庠以爲
常嘗因省試對策畢出閣沽酒登震遠樓獨酌賦詩
時八月望夜也月湧長空天澄如水汾水西山若隱

黎城縣續志

卷之三

傳

若見遙望貢院燈火滿號舍方憑欄吟嘯而玠忽攜
酒繼至因相與唱和極歡透曙意氣橫厲謂科第不
足言也然玠終副榜嵩生而嵩生亦數不遇康熙戊
寅學使賽公璋拔之貢太學而尤以上黨形勢賦銅
鞮宮懷古詩見知於監司高公啟桂於是邑令董侯
田侯潞城令吳侯相繼延請入署課其子弟而任縣
劉公蒞以僉事蒞晉學聘勸試事契分尤深於是潞
之人碑版屏於學宮嵩生以爲榮嵩生亦悉應之無
所靳酒筵歌席筆墨橫飛人人得其意以去或率率

應酬嵩生不甚措意而藏弄者如拱壁至或盜襲名字不盡出嵩生手而觀者輒然亦不敢有異議也雍正九年以久次得夏縣教諭丁母憂未之任又十餘年補崞縣教諭閱兩年遂歸家益落蓋其中歲嘗著招窮賦以自壯至是因益甚所與角逐文場如玠等悉前亡遂倦於遊一爲童子師旋謝去足跡不入城市年逾八十尚能作蠅頭細楷及擘窠大字賣文以自給然其時黎之風尚已大變遂什一權子母諸以繼齊起家者不復知文章之可貴甚至以嵩生之能黎城縣續志

卷之三傳

三五

文而窘搖手相戒其黠者或攫取其翰墨以去蓋賣賦之金實寡矣又五年而嵩生卒論曰自余見於嵩生嵩生且七十矣目光炯炯飄然有凌雲之氣所製五言律詩多可誦云與嵩生同時者脩武人陳政字在衡久居於黎雅善書畫其名與壽俱不及嵩生而窘更甚予因嵩生而牽連書之俾黎之志文苑者徵焉

王子莊先生傳

前八

自司馬子長傳循吏後史家因之然在官而校其聲

名不如歸里而稱其囊橐故有始終自好可久
傳者斯稱爲循吏而無愧已吾於鄉先生得一
焉曰王子莊

王子莊號松軒黎城東關人思貢聯芳子世以儒業
顯然故貧士也十三歲入縣學刻意工舉子業家臨
孔道每四更則鈴鐸絡繹而子莊誦聲琅琅若出金
石燈火青熒在松簷茅屋間或達旦未寢販夫估客
以及執鞭之士數過其地者輒指而目之曰此王氏
讀書廬也十七歲爲副榜貢生二十六歲舉於鄉雍
黎城縣續志卷之三傳

三六

正十一年成進士先後授徒往來潞澤間不爲廉從
輿馬之飾鄉居恂恂令尉罕識其面儂巧少年望門
自遠甚或謂其迂且冷子莊曰吾故貧士也力行之
不爲動乾隆四年春令江西之靖安歲應勸有實政
嘗語弟巖曰官之貪如女之淫豈可復爲人乎吾輩
在仕路中但敲定牙關立定脚跟自無大禍禍他日
爲我作行狀毋飾虛詞止云有所懼而不敢爲耳巖
亦孤峭士綜核內外實贊成之稱其志焉八年齊米
翔貴時陳文恭公榕門撫豫章也首先所稱爲平糶

法至五月倉告匱復請以所糶穀價分給貧民俾秋後以穀還倉文恭手批曰所籌甚善但秋後不盡還倉則令之責也謹爲之於是民感其誠至秋無後期者而靖安買補遂爲諸邑最先時田房契稅每有羨金至是而解司者增六倍吏胥咸誚其迂子莊曰吾故貧士非盜臣也力行之不爲改靖安人士既愛敬之矣釀金爲母夫人壽辭不可則環以請曰以是金修明倫堂及諸義學俾庠塾間永識盛德則可乎子莊領之復捐俸爲助而工乃大就至今稱焉九年秋黎城縣續志

卷之三 傳

二十七

以內憂歸贈贈無所受田廬無所增教授生徒自時文稿外著論語筆說易說求是書說求是詩說求是春秋說求是禮記節移集古留眼等若干卷爲貧士如故家居二十餘年而卒贊曰巖字傅野與予同舉會試後以言事戍湖南數言其兄非獨吏績茂也孝友慈讓內行皆可稱云予於靖安爲後進嘗見其著書盈案子弟承師視席間惟謹知傅野之言良信而獨紀其貧以告世之欲爲循吏者

高擢廷先生傳

前人

高孝廉獻字擢廷號文山黎城之內華人廩生奎雲子生四歲而孤弟岱方在襁褓母王誨以義方俱爲知名士高氏故巨族孝廉年二十肩家政堂構畢新增甯宇焉又三年呈母王之節行請旌於

朝又二年選拔貢太學又四年以觀風卷受知於溫方伯而遜其明年膺博學鴻詞科晉省之予薦者五人孝廉其一焉方是時孝廉以詩賦今古文友天下之士予方羈舛由世講媼成隨先君子後羅酒漿侍

黎城縣續志

卷之三

傳

天

庭除見其儀觀偉然從車騎甚都則以爲神仙中人輦下鉅公重其文行多欲羅而致之以備山公啟事而孝廉雅自矜持不欲以竿牘希進泊然有以目守雖不遇無悔也乾隆十二年秋舉於鄉主試者爲鴻博諸編修錦甚奇孝廉卷又十二年遭同懷之喪不復應會試蓋孝廉天倫最篤與弟友愛最深雖以弟爲世父嗣而晨夕必借乾隆十五年孝廉病幾殆弟爲之目不交睫弟歿後孝廉亦絕意於名場也舉唐風職思其居職思其外之義課子若經而於同堂

孤矜禮繼絕人推爲鄉祭酒又十一年卒於家
贊曰毛大可奇齡以博學鴻詞爲制科蓋重之也晉
晉之與大可同舉者畢亮四振姬馮訥生雲驤吳蓮
洋雯皆試而不遇若傅青主山范彪西部鼎則薦而
未試是數君子之集俱在視同時入選五十人之集
固難定其軒輊也吾因次孝廉之傳而并有感於成
午已未間者

黎城李氏兩節婦傳

前人

黎城監生李唐崎之妻趙氏儒家女也年二十九歲
黎城縣續志

卷之三

傳

而寡且無子教嗣子仿徐入縣學內言不出外言不
入閤五十載若不知有慶弔事壽逾耄臺而門戶嚴
肅戚里賢之

秦氏者仿徐之妻也亦儒家女子歸時年十八曰娶
姑在堂吾忍作新婦樣乎即去盛飾躬親操作闕八
歲而仿徐亡日與姑相對而泣復慰姑曰婦在猶子
在也未幾而一子一女殤姑哭之慟氏從旁欲泣謂
戚姬之弔者曰姑老而傷心妾者道悲是益姑之慟
也惟有隱痛而已自是不復言亦不過嫻戚之家

教嗣子汝強就傳於外其於傭作者闔門言各食器
楛棹必委於地爲取予未嘗自授受也遇饑歲至拾
院內樹葉爲炊先以熟軟者奉姑次以飼其子而自
咽者糠覈耳戚里敬其節孝

贊曰吾讀李祭酒潯安府志於吳氏之不旌祭酒蓋
爲之太息也然吳氏已載明史列女傳此與表間之
典何以異故於兩節婦之事次之以爲傳

碑記

邑令陳公遺愛碑

邑人 王錫晉

今夫政令民畏易令民愛難欲令民愛必在我實有可以令民愛者而民始愛之邑侯陳子良父台自蒞任以來如救災賑荒育嬰教織慎防堵恤孤寡巡視田野以勸農夫加增膏火以恤寒士兵差過境則下民不擾帶勇防河則上憲不疑其善政之在人耳目者幾述不勝述焉

襄垣知縣建脩龍洞行宮碑記

陳宗海襄垣縣令

黎城縣續志

卷之三 碑記

三

溯查襄垣縣志載康惠昭澤王唐懿宗時人也咸通九年戊子歲七月初五日生於長樂鄉焦姓出家得道能禦災捍患爲潞澤遠降妖祈雨上黨太守以其事上聞封雲雨將軍後脫蛻仙升及五代唐清泰二年草寇嘯聚官兵不能禦突於武鄉縣王修真洞中遍起紅雲聞空中鐵騎聲石飛如雨賊皆打斃加封靈侯五代晉開運二年各縣大旱凡詣洞求雨得雨加封顯聖公迨宋宣和元年直隸濟南山西等省皆大旱祈雨靈驗加封昭澤王元世祖南征渡海見王

陰爲之助特封海濱王明太祖定鼎改封海濱焦龍
神而實則昭澤王海濱王也迨我

大清定鼎仍封其舊而各省百姓遇旱求雨靈應如響
宗海於同治元年六月杪履襄垣任適大旱禾苗枯

禱七月初二日在廟祈禱當日即沛甘霖轉歉爲豐
宗海稟請轉奏奉

封康惠昭澤王四年夏又亢旱宗海親擬告文令北
底村耆老赴王脩真洞口焚化求雨宗海柳冠布履

出城二十里跪迎懇禱六月初三日自午至酉炎天
黎城縣續志 卷之三 碑記

赤日中步行四時烈日炎蒸心神如醉迷悶之間宗
海親見王坐轎於雨樓前長面長鬚威嚴端肅斯時

迷而不知爲王也蒙王佑初五日大雨如注閭境霑
足同治六年丁卯適值王千歲壽辰五月丙又大旱

宗海於二十六日親詣王修真洞口跪求回襄六月
初二日得有透雨秋禾始能播種貧民方得重生鳴

呼王之惠養貧民千有餘歲如秦岱華嶽之高大江
黃河之深矣宗海履任七年三禱三應倡募閭縣捐

貲建廟於洞旁一以表王功德及民歷代加封二以

慰各省紳民景仰虔誠三以備祈雨者棲止其所惟
地僻而無村社山水時發既無經營之人又少修葺
之費伏冀各省各縣樂善官民祈雨到此稍有石場
臺裂傾漏朽圯許願重修則斯廟無倒塌之期王之
德惠遠近昭著而祈雨者亦永有棲止之所不可思
議不可稱量無邊功德是所望於後之好善人焉是
所望於後之樂善人焉故爲記

重修城隍廟碑記

邑人高桐

蓋聞鬼神之福善禍淫與朝廷之彰善癉惡幽明雖
黎城縣續志 卷之三 碑記 三

殊而其理則無異也顧作僞之徒往往巧避法網以
文其奸而售其欺而鬼神之譴責於冥冥之中者必
無可倖免之方書曰作善降之百祥作不善降之百
殃此聖人所由以神道設教也邑之廟祀城隍由來
久矣凡茲土之其孰善孰惡惟城隍實鑒察之乃自
粵匪猖狂猝起烽火正毀及東西四十餘楹悉爲灰
燼此則劫數之適然者也前署縣陸公初爲修葺
作茲善信捐各紳士亦俱仰答神庥助襄盛舉其後
吳明府繼之夫與土木自廟堂以至戲樓凡昔之牆

傾屋頽者莫不煥然一新是役也其費甚鉅除陸吳
南大尹捐廉外各鄉鎮俱有布施而董其事者則吏
員韓全輔貢生王越太學生李思恭李從善李世貞
靳竹青等同心共濟以成厥功由是輪奐如故氣象
改觀里社之聚會恆於斯鄉村之所禱恆於斯而城
隍聰明正直則惟視其人之善惡而降之禍福無偏
愛也無偏惡也凡大廟思敬者遂莫不各有一城隍
尊神在其心目中焉傳曰使天下之人齋明盛服以
承祭祀洋洋乎如在其上如在其左右是孰使之然
黎城縣續志 卷之三 碑記

語

哉蓋必有其故已爰拜手稽首而謹爲之銘曰
於惟聖皇臣伏遐荒懷柔百神祀典孔彰保障花縣
敕封城隍屬民覺世降災降祥無端小醜敢肆跳梁
狂奔豕突厥勢嗚張由豫八晉竄至黎陽猝遭烽火
萬瓦灰揚王師既臨遂斂櫓槍四境無虞人慶金穰
乃興土木重建廟堂翠飛鳥萃紺宇生光貌像既嚴
享祀芬芳佑我黎民錫福無疆

嵐山龍神廟祈雨紀

邑令葛士達 子材

天地之大神奇變化陰陽舒慘災祥禍福之故迭

伏憶恍無端似若莫之爲而爲莫之致而致者而
莫莫之中要莫不有物以主宰之維持之術家穿鑿
附會創爲符籙驚駭世俗固失之誣而世儒拘於經
而不知變以爲氣數之適然一功聽之於天是皆未
知天地之體用也孔子曰鬼神之爲德其盛矣乎蒼
然茫然天地之體無所爲無可見也而天地之用實
寓諸鬼神體物不遺如在其上如在其左右所以威
懾萬物使千古賢奸愚智惕然心目不敢逞私爲非
且以呵護兩大榛狃之族亭毒生成俾無缺憾其德

黎城縣續志

卷之三 碑記

三五

之所及可勝道耶禮水旱不時百官有司奔走禱告
於山川之神而神之能捍災禦患有功德於民者禮
則祀之是豈故爲神道設教以愚惑黔首而已哉蓋
其理有必然者正使禱之有應有不應亦惟其心之
誠與不誠而非神之或爽或昧也光緒九年癸未夏
六月予奉 大府命調任黎陽莅官之逾月浹旬不
雨秋禾離離華零秀茹勢將就槁晉省當游饑而後
小民流亡厄焉未起若再無爲其何以堪予自維德
薄行鮮奉職無狀災及窮簷旣憂且慙爰自爲文禱

於城隍神並詢諸邑人士地之西二十里有嵐山龍
神廟素著靈應詣山乞水雲雨隨之沾溉黎民者匪
伊今始予遂齋戒精潔於七月二十日辰往出城行
十餘里望見蒼松鬱然一碧數里蜿蜒起伏虎踞龍
蟠者與人指爲嵐山也又行二三里曲折入山磴道
崎側人蹤絕少雜花野草鋪石如繡氣味撲鼻如百
藥香疑非人世境廟在山坳絕壁下金碧輝煌莊嚴
妙麗廟後有泉自石罅中噴出清澈豪髮流而成池
不盈不竭卽向之禱雨乞水處予聞夫名山奧區神

黎城縣續志

卷之三 碑記

五

靈是宅殆是之謂乎然猶未之奇也是日天氣酷熱
陟嶺越澗行二十里從人咸汗流雨下當其拾級入
廟赤日燒空樹影亭午仰望卯色如淨無纖介翳予
坐廡下少憩盥洗更衣捧香歷階方中祝辭忽有風
自空灑然而來被麗披離瑟瑟繞殿有似羽葆騶從
之音清涼沁骨神志一爽僕從莫不稱快叩祝既畢
登山取水遙見山後白雲如蓋搖曳中天所謂風車
雲馬者非耶神殆鑒予之微誠而惠然來臨耶奉水
下山陰雲合散風聲颯颯隨興而行醜釀終日至二

十一日亥刻大雨如注白旦徹晝歷十有五時而止
四郊霑足白叟黃童驩呼載道嗚呼以予之無狀一
念之誠爲民請命神應之不終日是可謂之氣數之
適然耶而鬼神之所以佐天地施功用者其德可勝
道耶歟邑志昔嵐山有虎害人有禪師者駐錫山麓
虎伏而馴渴呼飲泉從石罅湧出此水之所由來也
涓滴之流亘古不斷迄今已數百年猶賴以沾潤一
邑嗚呼神哉廟中一老農挈幼孩住持香火告予曰
此山荒寂近無居民當日之夕月之夜虎嘯狼嚎習
黎城縣續志

卷之三

碑記

三七

聞於耳異形怪狀之獸若牛而無角若人而毛身時
時出沒於廟之左右獨未一入廟亦不爲居人苦則
神之佑我邦人又不僅禱雨之奇驗已也予官斯土
躬觀其異不可無以傳之是爲紀

石刻在嵐山廟

墓誌

水齋李府君墓誌銘

靳榮藩

先生諱唐奕字禹甸一字崇山號水齋先世自隴西遷黎之長寧村曾祖贈奉直大夫諱養純祖天台縣知縣祀鄉賢諱占黃遷居於邑考選拔貢生諱濂藝林稱爲坦菴先生者也前母高孺人母常孺人自考妣以上其行實各詳邑志家乘中先生早慧十六歲爲諸生旋失怙佐兩兄借季弟依據家禮無之有悔服闋始議婚前輩高公千仞以爲得玉潤焉其制舉

黎城縣續志

卷之三

墓誌

三

藝數見重於學使而先生所雅好不在此甲子棘闈後與榆次王再來話別有句云君猶榮菽水我已絕爛斑遂不復應有司之試其意量可想見已篤於天倫雅不問家人產積著時闔得新居而讓之同胞戚友鮮有知者其知者咸以爲難飲酒賦詩生平不以自多而以詩鳴以酒豪者每爲所困州閭之會號呼謹叟先生惟靜以鎮之時一吐詞則談言微中間者皆爲解頤及與先贈公爲文酒之會觥籌竟日夜未嘗有醉容也榮藩自戊辰歲爲先生壻聆其緒論上

下古今浩無涯涘而於韓柳歐陽及明季古文大家
所得尤深故其金石文字傳誌碑版之作行所無事
皆能自闢蹊徑未嘗一襲陳言而先生亦喜爲之不
厭其他儻文填詞雖或爲人傳誦大都非所屑已已
卯冬以年例貢太學當次訓導又六年而先生病且
殆欲自爲誌不復能搦管旣而曰搢摭膚廓吾所素
厭若少此寒山一片石反覺壙中清醒其高致有如
此者昔人問袁侍中殷仲堪何如韓康伯曰門庭蕭
寂居然有名士風流殷不及韓吾於先生亦云子二
黎城縣續志

卷之三 墓誌

三

慶餘園子生慎餘女二其長者歸於我次適邑學生
高君炳謙

銘曰吾讀曝書亭集而見其爲婦翁馮君銘也其文
可以不朽先生之名德國不亞於馮君而吾於竹垞
則不足以相偶或因先生以傳吾文也龍齋之阡有
隧石焉其俱垂諸永久

誥封昭武都尉逢吉劉公墓誌 王錫晉

逢吉劉公之卒年維同治十二年四月二十一日踰
週年四月十三日公長子端率諸弟奉柩合厝於西

阡之祖塋納誌銘於壙封樹維謹而諸子猶惴惴有
疚心亟謀泐石墓表述先芬垂後禩彰前人嘉言懿
行不遠千里徵文於余余不敢以不文辭謹按公劉
姓諱道泰字逢吉先世隸遼州籍明季敕封涉縣左
副元帥諱震樂黎城偏城寨山水盤鬱營菟裘爲終
老計因家焉沒葬西阡即今之祖塋也厥後百餘年
間以耕讀綿其緒父亨衢公食廩餼績學不售公幼
失恃厚重寡言笑讀書過目成誦年十三亨衢公窘
於家計酒酣以往恆鬱鬱不樂公慨然曰生子不能

黎城縣續志

卷之三

墓誌

四

分父憂奚用子爲請於亨衢公代理家政亨衢公授
橐鑰俸綜紀踰年酌盈濟虛米鹽纖細悉井井有條
理而勵志勤學猶夙夜講誦不輟六十五歲丁父憂
哀毀骨立殯葬悉如禮公懼墜先業益勤儉刻苦家
日饒裕先世郭田百畝不二十年置膏腴壤畝萬計
其平居淡泊自奉而慷慨好施與出於天性鄉鄰有
急難匍匐相救同族無間親疎體恤備至置祭田三
百畝贍貧乏冠婚喪祭悉取資焉待以舉火者千百
餘指設義學延名師供膏火資課族人誦讀冀就成


立其愿謹誠實者予以重資權子其人尤感戴焉公
壯年無子踰五十始舉長子端遞舉丈夫子七各因
文武才爲教訓次子景四子霖七子鉞先後補文武
博士弟子員五子楫六子榕壬戌武試同舉於鄉乙
丑榕成進士授衛守備楫補差官以守備待銓兵部
長子端三子桂俱援例得官居家養親公以家政俾
長子端一承公肯寸縷半粟不敢私匿兄弟怡怡無
間言皆公訓也公援例授州同以子貴進秩昭武都
尉卒之歲春秋八十有一娶李恭人趙恭人李恭人
黎城縣續志

卷之三


墓誌

五

生子七人孫二十有三家孫步瀛已補博士員敦厚
力學有祖父風



黎城縣續志



黎城縣續志卷之四

補遺

地理志

沿革

縣境在商周爲黎國

尙書西伯戡黎孔傳近王畿之諸侯在上黨東北
史記殷本紀西伯伐飢國滅之周本紀敗耆國正
義曰即黎國也括地志云故黎城黎侯國也在潞
州黎城縣東北十八里尙書西伯戡黎是也

黎城縣續志

卷之四

補遺

說文耆殷諸侯國在上黨東北

路史國名記昔文王伐飢本作飢音祈卽耆黎也
周書傳五年伐耆而大傳作戡耆故說以黎也
六韜決大疑武王封湯後於黎

呂氏春秋武王封堯後於黎

地理今釋黎國今山西潞安府黎城平順二縣地
案飢阢耆黎皆同聲字耆則其專字古同聲字多
通假國都字多從邑非有數名也尙書戡黎宋儒
或以西伯爲武王周之始封呂覽與六韜各異皆



無可辨其故國據括地志在今縣而長治西南三十里有黎嶺所謂壺關黎亭者地理志郡國志元和志水經注書正義均以爲西伯所戡之黎左傳杜注詩式微釋文並謂周黎國亦在彼其地距今縣之黎侯城約一百六十里方乘無所適從遂創爲黎國最大上黨皆黎地之說以通之然兩地之間在殷末爲微子邑在周時爲潞子國謂黎有二都不可也古上黨兼今潞澤遼沁四府州地春秋晉未啟土之前皆狄所居如鐸辰甲氏留吁皋落

黎城縣續志

卷之四

補遺

二

氏裔咎如皆赤狄之近潞者而謂上黨皆黎地尤不可也考地理者杜氏春秋釋例爲最精審酈氏水經注爲最博洽杜於左傳紂黎之蒐云或曰東夷國或曰魏郡黎陽是商時有二黎矣酈於河水所經之黎陽云黎侯國也詩式微黎侯寓於衛是直以周之黎爲在今潞縣矣地名偶同記載錯出抉擇爲難今人所見古書又不及其十一強相牽合愈形抵牾故嘗疑周初所封不必卽爲既戡之國晉人所立不必卽爲始封之地元和郡縣志

平寰宇記並以壺關黎亭爲殷時國黎城故城爲春秋國準其疆域揆以事義或有合也

春秋時國奪於赤狄潞氏晉滅潞復立之後卒爲晉有

左宣十五年傳晉侯治兵於稷以略狄土立黎侯而還哀四年傳齊國夏伐晉取壺口

元和郡縣志黎城古黎國春秋晉荀林父滅潞立黎侯而還今縣東十八里黎侯城是也

地理今釋壺口在黎城縣東今名吾兒峪

黎城縣續志

卷之四

補遺

三

案詩式微序黎侯爲狄逼逐在衛宣公時左傳鄧舒奪黎氏地在衛穆公時蓋不百年而再失國矣其初復歸其後地入於晉皆不詳爲何時然晉人之立黎侯非真能興滅繼絕也特利狄土地藉爲師端滅狄後畀以一邑俾奉宗祀與齊桓之復封邢衛有別故春秋略而不書不然晉之君臣方侈張其事未有不告諸列國者春秋方且嘉予之大書特書之矣吾兒峪去黎故城約十里許爲晉東出之通衢今猶名東陽關地既爲晉有卧榻之下

豈容軒墮黎之或削爲附庸或竟夷爲縣終春秋世不能自存固可逆料而知也

戰國上黨地屬趙

戰國策蘇厲遺趙王書秦以三都攻王之上黨羊腸之西勾注之南非王有也樊餘謂楚王云韓兼兩上黨以臨趙即趙羊腸以上危

案羊腸坂在壺關縣南其西爲長治長子地其北則黎潞諸縣也趙都邯鄲當坂左爲國門近險趙上黨有今潞安遼沁地獨澤州屬韓爲韓之上黨

黎城縣續志

卷之四 補遺

四

其後韓北擴地至屯留兼有趙地故云兩上黨然羊腸之上諸縣仍始終屬趙也史記正義謂趙上黨止有儀沁二州以國策證之其說未該

漢上黨郡潞縣地後漢因之

漢書地理志上黨郡縣十四潞故潞子國

續漢書郡國志上黨郡十三城潞本國注引上黨記曰縣東北八十里有黎城臨壺口關

案今長治縣東亦有壺口關爲壺關名縣所自而壺口之名遂移而南非復春秋之舊矣因疑黎亭

與關爲一時置當始於秦秦置關十里有亭也潞故縣明一統志在今潞城東北四十里卽潞子嬰兒所都者

晉因之承興初并州刺史寄治縣東十五里之臺壁旋罷

晉書地理志上黨郡統縣十潞第一左哀四年杜

注潞縣東有臺有關

魏書地形志并州漢晉治晉陽晉末治臺壁後治

晉陽又襄垣郡刈陵縣有臺壁

黎城縣續志卷之四補遺 五

案并州治臺壁不見於晉書以事勢揆之當在惠

帝之末時爲并州刺史者司馬騰也劉元海載紀

承興元年元海僭號漢王騰使將軍聶元討之戰

於大陵敗績騰懼率并州二萬餘戶下山東其年

泝氏屯留長子皆爲劉曜所陷明年劉琨爲并州

刺史泝據晉陽騰傳云騰在并州七年屢爲胡騎

圍城劉琨傳云并州刺史劉東瀛公騰以晉川荒

匿移鎮臨漳太原西河盡徙三魏琨受任并州屬

承其弊以諸文核之騰率并人下山東實取道

黨治潞縣 於黎東倚立官府依壺口爲固及上

黨馬縣不守遂東奔於鄴志所云治臺壁當在此

時其後劉琨代爲刺史由上黨轉戰而前并州復

爲晉有志所云復治晉陽當在此時

後魏太武廢潞縣於今縣西北置刈陵縣初屬襄郡

後屬襄垣郡

魏書地形志襄垣郡建義元年置治襄垣城分鄉郡置

領縣四刈陵二漢晉曰潞真君十一年改後屬有

伏牛山黎城三壘山積布山潞城武軍城涉城涉

黎城縣續志 卷之四 補遺 六

水臺壁

五朝志刈陵後魏以潞縣被誅遣人置

一統志刈陵故城在黎城縣西北

案此爲今縣境立縣之始據地形志所載疆域則

合今潞城之北境河南涉縣之西境爲一縣地

北齊因之後周置潞州於襄垣縣屬如故

元和郡縣志周顯德七年於襄垣置潞州

隋開皇中改刈陵縣爲黎城移潞州於上黨縣屬

焉大業初改潞州爲上黨郡縣仍屬焉

元和郡縣志開皇十八年改刈陵爲黎城縣隋書地理志上黨郡後廢置潞州開皇初郡廢太業初復置郡統縣十黎城有積布山松門山

案此爲黎城名緣之始自西漢迄後周皆與潞城爲一縣地至是始各自爲縣由開皇十八年上溯漢三年上黨置郡之始凡八百一年

唐武德初屬韓州貞觀之中復屬潞州天祐中改黎亭五代之際復名黎城

元和郡縣志武德元年於襄垣置韓州縣屬貞觀黎城縣續志卷之四補遺七

十七年廢韓州屬潞州新唐書地理志黎城上天祐三年更曰黎亭有銅山東有壺口關

案唐亡於天祐四年潞州於元年爲晉所有縣名蓋克用所改者其後晉漢周迭有斯地而縣不見於新舊史不知何時又復故名據寰宇記宋地理志皆略而不書當在宋以前矣

宋天聖中徙縣治於白馬驛屬隆德府

宋史地理志隆德府本潞州崇寧三年升領縣八黎城中天聖三年徙治縣之東南白馬驛屬寧五

年省入潞城元祐元年復

案今監本宋史誤縣東南為涉東南

案此為今縣城立治之始宋以前故縣在今縣西北八里故云徙治縣之東南也由宋天聖三年上溯隋開皇十八年凡四百二十七年再上溯後魏真君十一年共五百七十五年

金元並屬潞州明初因之嘉靖中升潞州為潞安府別置平順縣析縣之南境隸焉而縣屬如故

金史地理志潞州領縣八黎城有白巖山故壺關口貞祐三年七月升涉縣為崇州以黎城縣隸焉

黎城縣續志

卷之四

補遺

八

四年復為涉縣

元史地理志潞州領縣七黎城至元二年併涉縣偏城等十三村入焉

明史地理志潞安府元潞州嘉靖八年升領縣八黎城有濁漳水東南入河南林縣界東北又有清漳水流入河南涉縣界又東北有晉克峪巡檢司嘉靖八年二月以潞城縣青羊壘置平順縣析黎城地益之

國朝因之乾隆二十九年平順縣廢以原析之地還縣

縣册原析五里侯壁新安王出駝車石灰也歸還後通名爲五英里

案舊志沿革於古籍無所徵引茲別輯爲篇詳之
山川

張諱巖卽白巖也水經注世傳巖赤則土罹兵害故惡其變化無常恆以石粉汙之令白是以俗目之爲張諱巖

望夫山卽石竝山也水經注漳水又東北厯望夫山之南有石人竝於山上狀有懷於雲表因以名焉

黎城縣續志

卷之四

補遺

九

寰宇記今名望夫嶺

銅山在縣東北唐地理志黎城有銅山

案縣北近遼州界有銅峪當是也

松門山在縣西北五朝志黎城有松門山

案冀州圖云松門嶺在襄垣北一百三十里蓋一山之毗連者

黃須水卽東河也水經注漳水於是左合黃須水口水出臺壁西張諱巖下府志東河源出縣北十五里
巖山東南流經縣城東北會田溪水又南流至城

南會西河水又南流入漳河

案縣有東黃須西黃須村與水經注左右黃須合蓋村名之最古者須乃鬚之本字必有名義然不可考矣

古蹟

古壺關元和郡縣志在縣東二十五里春秋齊國夏伐晉取八邑有孟口孟口即壺口也聲相近故有二名

案八邑爲邢任樂鄆逆時陰人孟壺口杜注潞縣黎城縣續志

卷之四

補遺

十

東有壺口關是杜所據之左傳未嘗書爲孟口豈吉甫別見古本與杜不同抑或因上文孟字而誤也然曰八邑又非不數及孟是不可考同聲相近致有二名非徒古也卽今名之吾兒峪實亦壺兒峪耳壺口在晉者有四一在吉州西南爲黃河隘見書疏一在臨汾縣西爲平水所出見水經注一爲上黨之壺關一卽此也

刈陵故縣通志在潞城一統志在黎城西北

案卽城西北八里之故縣也隋唐之黎城皆治此

據魏書地形志刈陵有潞城則明與潞子故城
二地據隋書地理志後魏以潞縣被誅遣人置隋
更名黎城又明以刈陵黎城爲一縣獨酈道元注
水經不詳其更革記叙又復失次遂滋後人之惑
然其所舉之縣雖爲潞而其所證之地實在黎如
云縣北對故壁臺漳水經其南本潞子所立世名
之臺壁左右黃須水口水出壁臺西張諱巖下云
云今其地皆近在縣之東北無一不合若潞子國
則上黨記謂去壺口關八十里懸隔甚矣然則酈
黎城縣續志

卷之四

補遺

十一

注所云之路縣即刈陵即隋之黎城無可疑漳水
自此趨而東南而注復云漳水又東北厯望夫山
又云涅水東南注之今地在襄垣黎城境更誤以
上流爲下流良由雜採地志各書綴輯成文自非
身厯不能無參錯也

馮奉世墓及馮昭儀墓元和郡縣志在城東二里

案此城乃故縣城也墓當在今城北八里然馮衍
顯志賦序云先將軍葬涇陵奉世墓似不在此或
是宜鄉侯參也相承已古無以辨之

物產

筆管萊潞志拾遺即黃精苗也芽形似筆黎人以筆頭呼之

職官

晉潞令溫嶠初人永嘉中并州刺史劉琨署遷上黨太守見晉書本傳

隋川陵縣令郭琛族并州太原人見開皇五年寶秦寺碑承李士廉傳

原子河並見寶秦寺碑陰

唐黎城縣尉李獻隴西熒煌人遷潞城令見舊志程大夏李梧岡傳

黎城縣續志卷之四補遺 十二

金縣令蘇仲友真定人天會中胡璠榜進士見元好問蘇彥遠墓志蒲察藥見承

安四年福縣尉彭傑見福勝寺碑

元達魯花赤未魯不花至元也孫榮至元未並見元貞元年權秉中

文廟哈喇不花見大德十一年路州修文廟碑陰完者帖木兒至正二年

縣尹李琳彰德人成口失名至元未並杜世榮大德中見

路州文廟碑陰主簿姬紹榮溫庭瑞馮口失名並至元中王

從政大德中見潞州文廟碑陰教諭權秉鈞大德中見潞州文廟碑陰縣尉張

汝楫大德中見潞州文廟碑陰與史張翥韓元佐並至正二年見題名碑

明知縣徐慶宏治四年文均深州人縣丞李端宏治四年張翰

鳳翔人正李慶正德十年何應漢嘉靖十六年劉鯨嘉靖

德十年阮滄任邱人王庭相深澤人嘉靖宋朱萬歷張秩安鎮

人萬歷三馬日全中原人萬歷主薄王淵宏治李謙

十五年正德毛經長垣人正文顯鄆陽人正王道嘉慶十

初年柴大儒館陶人嘉慶韓三奇萬曆碑云嘉慶十

一年是否崔禧未詳吾兒峪巡檢鄧德洪武程紀正

初韓文學崇禎興史王壽年權潘賢武二年洪劉

鋪王安宏治王賢正德譚琰平原人正盧政嘉慶三

年張容重岐山人嘉慶固始人葉平景州人嘉常

黎城縣續志卷之四補遺十三

應祺秦州人嘉慶會元亨廬江人萬歷王嘉讓陝西

歷四孫燿崇禎二年並

道光中知縣陳金鑑立題名碑搜剔金石補舊志

闕漏者約五十人茲又益以所未及者數人並次

於右始潞令以秦漢迄隋黎潞為一縣地也晉上

黨郡嘗治潞矣而不書其太守者縣於彼時為潞

境非潞治監司上官與親民吏別例不得及也

祠祀
關龍逢祠在廣志山上黨記王至山有關龍逢祠

案王至爲廣至之異文太平寰宇記誤爲王屋又入之路城

寺觀

大通寺在縣東北辛村里宋治平初建金大定十九年釋德崇棲此茶毘建石塔校書郎雲騎尉平水老人毛麾撰銘定遠大將軍開國伯完顏真立石刻像今土人不敢觸塔像云明正統隆慶間屢修有碑萬厯間釋了白精禪學內貶御賜全藏

國朝康熙間重修李芳黃記寺有明曾銑芍藥詩

黎城縣續志 卷之四 補遺 古

慶安寺在舊城中隋開皇五年建賜額寶泰取民寶其數而秦寧也宋太平興國三年改今額取民賴慶而獲安也天聖三年縣遷白馬寺遂圮僧道球募修至和二年簿尉韓固撰記

二寺舊志失載據府志補書

紀事

漢書成帝紀陽朔二年秋關東大水流民欲入函谷天井壺口五阮關者勿苛留

案上黨未名縣之前史凡言壺關壺關口皆係長

治地悉不錄

通鑑天順元年詔討李克用官軍至陰地朱全忠遣驍將葛從周自壺口關濟入

稽神錄梁開平二年李思安攻潞州營於壺口關伐木爲柵破一大木水中宋書隸文六字曰天十四載石進思安表上之其羣臣皆賀以爲十四年必有遠夷貢珍寶者其司天少監徐鴻謂所親曰自古無一字爲年號者上天符命豈關文乎吾以爲丙申之年當有石氏王此地者移四字中兩豎畫置天字左右黎城縣續志

卷之四

補遺

十五

卽丙字也移四字之外圍以十字貫之卽申字也後至丙申歲晉高祖以石姓起并州如鴻之言元關虎左轄二公勲德碑至正辛卯總兵官保調禦澤潞兵抵長子盜由冀經潞犯襄垣卽分軍三隊掩掠其衆盜懼遁自黎城下吾兒峪是夕命第賽岡不花勒兵橫擊大捷以安潞境

潞志拾遺左良玉勦晉寇時駐黎城孝廉李金漳招之飲方入座武涉報寇至甯南卽上馬去且日夜半當旋可卒飲也夜半果旋斬獲各以干計

通志崇禎十五年任國琦自松山潰歸繇林縣夜踰
壺口關十一月掠長治北董蘇店秦家莊從容入秦
去
府志順治六年黎城土寇趙聯芳申少峰李友庫劉
徽等作亂殺知縣李雲起

案是年七月叛將沈烈許守信等詐稱姜壤兵攻
陷府城屯留長子襄垣並失守趙聯芳等遂竄起
爲亂十月大兵至皆授首自此迄咸豐初無烽燧
之驚者二百五年

黎城縣續志

卷之四

補遺

六

人物志

名賢

馮奉世字子明上黨潞人也徙杜陵其先馮亭爲韓
上黨守秦攻上黨絕太行道韓不能守馮亭乃入上
黨城守於趙趙封馮亭爲華陽君與趙將拮拒秦戰
死於長平宗族由是分散或留潞或在趙在趙者爲
官帥將官帥將子爲代相及秦滅六國而馮亭之後
馮毋擇馮去疾馮劫皆爲秦將相焉漢興文帝時馮
唐顯名卽代相子也至武帝末奉世以良家子選爲

郎昭帝時以功次補武安長失官年三十餘矣乃學春秋涉大義讀兵法明習前將軍韓增奏以爲軍司空令本始中從軍擊匈奴軍罷復爲郎先是時漢數出使西域多辱命不稱或貪汙爲外國言若是時烏孫大有擊匈奴之功而西域諸國新輯漢方善遇欲以安之選可使外國者前將軍增舉奉世以衛侯使持節送大宛諸國客至伊修城都尉宋將言莎車與旁國共攻殺漢所置莎車王萬年并殺漢使者奚充國時匈奴又發兵攻車師城不能下而去莎車遣使

黎城縣續志

卷之四 補遺

十七

揚言北道諸國已屬匈奴矣於是攻劫南道與敵盟畔漢從鄯善以西皆絕不通都護鄭吉校尉司馬意皆在北道諸國間奉世與其副嚴昌計以爲不亟擊之則莎車日疆其勢難制必危西域遂以節諭告諸國王因發其兵南北道合一萬五千人進擊莎車攻拔其城莎車王自殺傳其首詣長安諸國悉平威振西域奉世乃罷兵以聞宣帝名見韓增曰賀將軍所舉得其人奉世遂西至大宛大宛聞其斬莎車王敬之異於他使得其名馬象龍而還上其悅下議封奉

世丞相將軍皆曰春秋之義大夫出疆有可以安國家則顯之可也奉世功效尤著宜加爵土之賞少府蕭望之獨以奉世奉使有指而擅矯制違命發諸國兵雖有功效不可以爲後法即封奉世開後奉使者利以奉世爲比爭遂發兵要功萬里之外爲國家生事於夷狄漸不可長奉世不宜受封上善望之議以奉世爲光祿大夫水衡都尉元帝卽位爲執金吾上郡屬國歸義降胡萬餘人反去初昭帝末西河屬國胡伊酋若王亦將家數千人畔奉世輒持節將兵追擊城縣續志

卷之四

補遺

六

擊右將軍典屬國常惠薨奉世代爲右將軍典屬國加諸吏之號數歲爲光祿勳永光二年秋隴西羌多姐旁種反詔召丞相韋玄成御史大夫鄭宏大司馬車騎將軍王接左將軍許嘉右將軍奉世入議是時歲比不登京師穀石二百餘邊郡四百關東五百四方饑饉朝廷方以爲憂而遭羌變玄成等漠然莫有對者奉世曰羌虜近在竟內背叛不以時誅亡以威制遠蠻臣願帥師討之上問用兵之數對曰臣聞善用兵者役不再興糧不三載故師不久暴而天誅

決往者數不料敵而師至於折傷再三發輟則曠日
煩費威武虧矣今反虜無慮三萬人法當倍用六萬
人然羌之弓矛之長耳器不犀利可用四萬人一月
足以決丞相御史兩將軍皆以爲民方收斂時未可
多發萬人屯守之且足奉世曰不可天下被饑饉士
馬羸耗守戰之備久廢不簡夷狄皆有輕邊吏之心
而羌首難今以萬人分屯數處虜見兵少必不畏懼
戰則挫兵病師守則百姓不救如此怯弱之形見羌
人乘利諸種並和相扇而起臣恐中國之役不得止

黎城縣續志

卷之四

補遺

九

於四萬非財幣所能解也故少發師而曠日與一舉
而疾決利害萬萬也同爭之不能得有詔益二千人
於是遣奉世將萬二千人騎以將屯爲名典屬國任
立護軍都尉韓昌爲偏裨到隴西分屯三處典屬國
爲右軍屯白石護軍都尉爲前軍屯臨洮奉世爲中
軍屯首陽西極上前軍到降同阪先遣校尉在前與
羌爭地利又別遣校尉救民於廣陽谷羌虜感之皆
爲所破殺兩校尉奉世具上地形部衆多少之計願
益衆三萬六千人乃足以決事書奏天子大爲發兵

六萬餘人拜太常弋陽任千秋爲奮武將軍以助馬
奉世上言願得其象不須復煩大將因陳轉輸之費
上於是以璽書勞奉世且讓之十月兵畢至隴西十
一月並進羗虜大破斬首數千級餘皆走出塞兵未
決間漢復發募士萬人拜定襄太守韓安國爲建威
將軍未進聞羗破還上曰羗虜破散創艾亡逃出塞
其罷吏士頗留屯田備要害處明年二月奉世還京
師更爲左將軍光祿勳如故其後錄功拜爵下詔曰
羗虜桀黠賊害吏民攻隴西府寺燔燒置亭絕道橋
黎城縣續志

卷之四

補遺

三

甚逆天道左將軍光祿勳奉世前將兵征討斬捕首
虜八千餘級鹵馬牛羊以萬數賜奉世爵關內侯食
邑五百戶黃金六十斤裨將校尉三十餘人皆拜後
歲餘奉世病卒居瓜牙官前後十年爲折衝宿將功
名次趙充國奉世死後二年西戎都護甘延壽以誅
邈支單于封爲列侯時丞相匡衡亦因延壽矯制生
事據蕭望之前議以爲不當封而議者咸美其功上
從衆而侯之於是杜欽上疏追錄奉世前功上以先
帝時事不復錄奉世有子男九人女四人長女媛以

後宮爲元帝昭儀產中山孝王元帝崩媛爲中山太后隨王就國

馮譚奉世長子太常舉孝廉爲郎功次補天水司馬奉世擊西羌譚爲校尉隨父從軍有功未拜病死譚弟野王遂立參至大官

馮野王字君卿受業博士通詩少以父任爲太子中庶子年十八上書願試守長安令宣帝奇其志問丞相魏相相以爲不可許後以功次補當陽長遷爲櫟

陽令徙夏陽令元帝時遷隴西太守以治行高入爲黎城縣續志

卷之四

補遺

三

左馮翊歲餘而池陽令並素行貪汙輕野王外戚年少治行不改野王部督郵掾殺初趙都案驗得其主守盜十金罪收捕並不首吏都格殺並家上書陳寃事下廷尉都請吏自殺以明野王京師稱其威信遷爲大鴻臚數年御史大夫李延壽病卒在位多舉野王上使尚書選第中二千石而野王行能第一上曰吾用野王爲三公後世必爲我私後宮親屬以野王爲比乃下詔曰剛彊堅固確然無欲大鴻臚野王是也心辨善辭可使四方少府五鹿充宗是也

儉太子少傅張譚是也其以少傅爲御史大夫上繼
下第而用譚越次避嫌不用野王以昭儀兄故也野
王乃歎曰人皆以女寵貴我兄弟獨以賤野王雖不
爲三公甚見器重有名當世成帝立有司奏野王王
舅不宜備九卿以秩出爲上郡太守加賜黃金百斤
朔方刺史蕭育奏封事薦言野王行能高妙內足與
圖身外足以慮化竊惜野王懷國之寶而不得陪朝
廷與朝者並野王前以王舅出以賢復入明國家樂
進賢也上自爲太子時聞知野王會其病免復以故
黎城縣續志

卷之四

補遺

三

二千石使行河堤因拜爲琅邪太守是時成帝長舅
陽平侯王鳳爲大司馬大將軍輔政八九年矣時數
有災異京兆尹王章譏鳳顯權不可任用薦野王代
鳳上劾納其言而後誅章語在元后傳於是野王懼
不自安遂病滿三月賜告與妻子歸杜陵就醫藥大
將軍鳳風御史中丞劾奏野王賜告養病而私自便
持虎符出界歸家奉詔不敬杜欽時在大將軍幕府
欽素高野王父子行能奏記於鳳爲野王言鳳不聽
竟免野王郡國二千石病賜告不得歸家自此始初

野王嗣父爵爲關內侯免歸數年年老終於家子座

嗣爵至孫坐中山太后事絕

馮遂字子產通易太常察孝廉爲郎補謁者建昭中

選爲復土校尉光祿勳于永舉茂才爲美陽令功次

遷長樂屯衛司馬清河都尉隴西太守治行廉平年

四十餘卒爲都尉時言河隄方略在溝洫志漢書溝洫志元

帝永光五年河決清河靈鳴犢口而屯氏河絕成帝

初清河都尉馮遂奏言郡丞河下流與兗州東郡分

水爲界城郭所居尤卑下土壤輕脆易傷頃所以闕

無大害者以屯氏河通兩州分流也今屯氏河塞靈

鳴犢口又益不利獨一川兼受數河之任雖高增隄

防終不能泄如有霖雨旬日不霽必盈溢靈鳴犢口

黎城縣續志卷之四 補遺 三

在清河東界所在處下雖令通利猶不能爲魏郡清

河減損水害禹非不愛民力以地形有勢故穿九河

今既滅難明屯氏河不流行七十餘年新絕未久其

處易凌又其口所居高於以分流殺水力道里便宜

可復浚以助大河泄暴水備非常又地簡時郭昌穿

直渠後三歲河水更從故第二曲間北可六里復南

合今其曲勢復邪直具邱百姓寒心宜復穿渠東行

不豫修治北決病四五郡南決病十餘郡然後憂之

晚矣事下丞相御史曰博士許商治尚書善爲算能

度功用遣行視以爲屯氏河盈溢所爲方用度不足

可且勿浚後三年河果決於館陶及東郡金隄泛濫

充豫八平原千乘濟南凡灌四郡三十二縣

馮立字聖卿通春秋以父任爲郎稍遷諸曹竟甯中

以王舅出爲五原屬國都尉數年遷五原太守徙西

河上郡立居職公廉治行略與野王相似而多智有

恩貸好爲條教吏民嘉美野王立相代爲太守歌之
曰大馮君小馮君兄弟繼踵相因循聰明賢知惠吏
民政如魯衛德化鈞周公康叔猶二君後遷爲東海
太守下溼病瘵天子聞之徙立爲太原太守更歷五
郡所居有迹年老卒官

馮參字叔平學通尚書少爲黃門郎給事中宿衛十
餘年參爲人矜嚴好修容儀進退恂恂甚可觀也參
昭儀少弟行又敕備以嚴見憚終不得親近侍帷幄
竟寧中以王舅出補涓陵食官令以數病徙爲寢中

黎城縣續志

卷之四

補遺

五

郎有詔勿事陽朔中中山王來朝參擢爲上河農都
尉病免官復爲涓陵寢中郎永始中起遷代郡太守
以邊郡道遠徙爲安定太守數歲病免復爲諫大夫
使領護左馮翊都水綏和中立定陶王爲皇太子以
中山王見廢故封王舅參爲宜鄉侯以慰王意參之
國上書願至中山見王太后行未到而王薨王病時
上奏願貶參爵以關內侯食邑留長安上憐之下詔
曰中山孝王短命早薨願以舅宜鄉侯參爲關內侯
歸家朕甚愍之其還參京師以列侯奉朝請五侯皆

世傳之丞相孫方進亦甚重焉數謂參物禁太甚君
侯以王舅見廢不得在公卿位今五侯至尊貴也與
之並列宜少節節卑體視有所宗而君侯盛修容貌
以威嚴加之此非所以下五侯而自益者也參性好
禮儀終不改其恆操頃之哀帝即位帝祖母傳太后
用事追怨參如中山太后陷以祝詛大逆之罪語在
外戚傳參以同產當相坐謁者承制召參請廷尉參
自殺且死仰天歎曰參父子兄弟皆備大位身至封
侯今被惡名而死姊弟不敢自惜傷無以見先人於

黎城縣續志

卷之四

補遺

三五

地下死者十七人象莫不憐之宗族徙歸故郡

案兩漢迄晉黎潞爲一縣故馮氏潞人而墓皆在
黎城馮衍顯志賦云瞰太行之嵯峨兮觀壺口之
崢嶸悼邱墓之蕪穢兮恨昭穆之不榮不獨元和
志寰宇記爲可徵信也前志列於人物是矣而體
例乖謬割裂本傳十失五六茲依漢書次第補錄
原文而並入之名賢云

馮異字世威奉世之後也常慕周伯況閔仲叔之爲
人隱處山澤不應徵辟司空李郃卒門人獨尊制

心喪三年時人莫之

見後漢書方術列傳前志失載

徐爾悟文獻長子崇禎時死闖難優詔恤之

見高步蟾徐文獻墓志但云死闖難而不詳其時
與地府志增益之曰文獻任陝西爾悟里居明末
值闖賊破邑被執不屈死案賊將劉芳亮陷潞安
在十七年春明社隨屋安得有詔恤之典且志言
其死於孝亦必非里居

高步蟾字伯仙幼有大略好學善屬文爲鄉先生李

黎城縣續志

卷之四

補遺

三

冲虛所器遂師事之於書無所不讀家僅中貲而事
母奉養極厚喜周急賑孤寡爲人解紛雪冤至山資
財任之不恤也晚結廬天馬山下自號爲兩峰主人
著有兩峰文集以太學生終子是受舉刑治丁酉鄉
試

府志載爲明末人

流寓

李師晦者畫著馬李漸之孫也爲劉從諫潞州從軍
知從諫不軌遂隱居山陰潞州平劉從諫之亂

縣宰曾於衲僧處得落星石一片僧云於蜀歸早行
見星墜於前遂掘之得一片石如斷磬其石端有雕
刻狡狴之首亦如磬有孔穿條處尚光滑豈天上奏
樂器毀而墜歟此石流轉到安邑李甫宅中

右見尚書故實前志失載案新唐書方鎮劉稹傳
云李師晦者本宗室子始悟辟致幕府見從諫稍
恣假言求長生術不與事從諫使歸東都師晦懼
爲谷揚度等所譖請居涉從諫不之疑稹敗有爲
帝言者擢伊闕令唐涉縣與黎城並屬潞州相距
六十里元併偏城等十三村入黎城而縣境去涉
僅二十五里師晦既求長生術必山居無疑史因
其近涉遂謂其居涉耳然可證其故蹟確在城東

諸山矣

呂梅字仲木高陵人正德三年進士第一授修撰嘉
靖中以議大禮忤張桂嵩解州判官累遷南京禮部
侍郎梅受業渭南薛敏之接河津薛瑄之傳學者稱
淇野先生黎誠司訓文宗頹其姻也謫官時遂游
閩孝子王修身廬墓文學趙初隱居著書皆就見之

據文廟碑記補載

列女

孝元馮昭儀平帝祖母也元帝即位二年以選入後宮時父奉世爲執金吾昭儀始爲長使數月至美人後五年就館生男拜爲婕妤時父奉世爲右將軍光祿勳奉世長男野王爲左馮翊父子並居朝廷議者以爲器能當其位非用女寵故也而馮婕妤內寵與傅昭儀等建昭中上幸虎圈關獸後宮皆坐熊佚出園攀檻欲上殿左右責人傅昭儀等皆驚走馮婕妤

黎城縣續志

卷之四

補遺

三

直前當熊而立左右格殺熊上問人情驚懼何故前當熊婕妤對曰猛獸得人而止妾恐熊王御坐故以身當之元帝嗟嘆以此倍敬重焉傅昭儀等皆慙明年夏馮婕妤男立爲信都王尊婕妤爲昭儀元帝崩爲信都太后與王俱居儲元宮河平中隨王之國後徙中山是爲孝王後徵定陶王爲太子封中山王舅參爲宜鄉侯參馮太后少弟也是歲孝王薨有一男嗣爲王時未滿歲有眚病太后自養視教解祠解世帝即位遣中郎謁者張由將醫治中山小王由藥有

狂易病病發怒去西歸長安尚書簿責擅去狀由恐
因誣言中山太后祝詛上及太后太后即傳昭儀也
素常怨馮太后因是遣御史丁立案驗盡收御者官
吏及馮氏昆弟在國者百餘人分繫洛陽魏郡鉅鹿
數十日無所得更使中謁者令史立與丞相長史大
鴻臚丞雜治立受傳太后指幾得封侯治馮太后女
弟習及寡弟婦君之死者數十人巫劉吾服祝詛醫
徐遂成言習君之曰武帝時鑿修氏刺治武帝得二
千萬耳今愈上不得封侯不如殺上令中山王代可

黎城縣續志

卷之四

而遺

五

得封立等劾奏祝詛謀反大逆責問馮太后無服辭
立曰熊之上殿何其勇今何怯也太后還謂左右此
廼中語前世事吏何用知之是欲陷我效也廼飲藥
自殺

藝文志

曉發天井關寄李師晦

唐許渾

山在水滔滔流年欲二毛
湘潭歸夢遠燕趙客程勞
露曉紅蘭重雲晴碧樹
高逢秋正多感萬里別同

入壺口關

明陶澂

地絡盤三晉關門控兩河舊傳山國小新築塞垣多
侯吏無烽燧居人有薛羅不圖天下皆今日馬蹄過

故縣寶泰寺造九級浮圖碑 志多闕文

尚書省使儀同三司潞州司馬東原都開國公

囚檢郭建欽王神通等立義門事恭敬侍佛頌日時
用冥濛香煙芬馥天長地久春蘭秋菊大浮屠主 李

妻申屠那肱

自天地開闢之制幽明難測陰陽剖判之後世代
可知莫不逞壯氣而重 高才而矜富貴爭

黎城縣續志 卷之四 補遺 三

利害於石火競功名於風燭 知榮華與屈相遷

阜隸及王等趨金門貝闕詎壯幽冥繡轂龍媒

齊生死於是 治三界來往四輪以乾 為可保

之城謂 宅為有常之宅故天師出世聖教同流

瀟門闔八萬四千 通九十六種示諸魔於苦

海壽愈生於福田皈依者得免樊籠迴向者便超

彼岸故漢班超守鄯然世封陽曲建社太原上福

從官 漢家此世門有諸人德本標仙舟之異世名

奇士 許州竹馬之期器宇凝遠風裁道舉比在

氣於孤松類懷抱於叢桂談議而對天子空赫
席畫音以示將軍決勝千里被稱齋代見重當時
本枝冠冕子孫繁盛四地催運三鼠侵季歎華
首而代紅顏恨黃泉而沈白 故率合鄉人共船
浮圖九級鎮此潞州在縣之東南俯臨大道旁衝
魯國 城秦將定燕卒之繩炎帝獲嘉禾之
地值周并齊運像瀟沉淪舊塔崩頽劣有 迹

大隋握圖受命出震君臨屏躑塵而作輪王救濁
世而居天位大開玄教 置伽藍太子買雜寶之

黎城縣續志

卷之四

補遺

三

花波斯刻真檀之像刈陵縣政新鄉鄉義里郭伯
珠者然之從子早彰音骨即號神童幼挺異才便
稱水鏡義治骨肉化及弟兄六世同居百有餘口
朝野貴其風範閭里慕其家法本圖曳尾寧許澤
纓咲敬付之言高少遊之願蠹書草聖相伴於青
松濁酒焦琴共對於明月豈望乘竹龍而履鳧鳥
飲玉膏而餌玄霜將欲捨頭希不恆之身施肉請
無常之偈以聞皇五年歲次鵠尾與華川鄉人李
延壽及合縣羣英感

皇帝之恩追從之迹遠於舊所重營九級浮圖齋何一
周其功始就露盤乘月寶鐸搖風背朝市而遊士
女庶使託爲謔際持作福田見者與見而消殃禮
者共禮而除障望似龍花寶塔室隨子之城雀
離浮圖豈逐天衣之頌曰上元始判船化初闡
天傾地絕古往今來盛衰交謝生死相催壹五惑
難上三灾獨有詰人迴樹奇質生輕義重調高才
逸恩合春風愛均冬日早驚劫火燈燃閤室欲除
習鄣聊積善因庭羅寶刹塔寫金人時遵圮秦道
黎城縣續志卷之四補遺 三

逐崩淪所悲神迹纒果風塵避世之士連城之塵
氣擁風雲性分金石長悲虛幻迴歸利益欲述荆
蹤還修故迹縣臨長路塔鎮平川風翻蓋影雲曳
香烟金剛永固妙法傳未知東海幾作桑田
佛弟子劉世達供養

福勝寺碑記 間有殘缺

黎城縣即古黎侯國自漢已來屬上黨郡邑民淳厚
而奉佛潞州人多食牛肉惟此縣人不食牛死則埋
之予大定乙酉嘗宰是邑凡四年縣之山寺無不遊

歷者嵐山之北有泉飛流下溉民田曰源泉村村之東有寺曰壽聖院清靜爽塏僧惠福主之惠福沿古有德行人村民皆愛敬之予與邑士五六人時作信宿之遊厥後予入臺閣方爲御史中丞時惠福來昊天寺印大藏經後五年乞身還鄉 朝廷錄其勞除沁南軍節度使寶明昌元年也一年復告致仕許焉越明年蒙 恩特起爲昭義軍節度使惠福特來相訪因言重建福勝院經閣殿宇之由先師和尚俗姓

樊代州崞縣人宋大觀元年五臺山華嚴寺出家法

黎城縣續志

卷之四

補遺

三三

名善清後賜紫衣至潞州龍興寺依止無餘禪師法席皇統二年 皇恩普度遂度到弟子德玉德喜惠福三人三年南李保村郝智等請於本村建禪庵居止鄰村之民敬禮歸之其受戒者無慮千人四年源泉壽聖院僧崇進及村老卞寶等經僧正司請住持本院天德二年六月示寂厥後德玉惠福修南李保舊庵作壽聖下院大定三年 賜天下無 額寺院遂得福勝院今特建殿廊經閣乞數字以紀之庶傳永久予以舊識此僧忠實可愛而住下村民張穩等

皆舊治 民義不可辭因直書其事以識其歲月云
明昌癸丑秋八月通奉大夫昭義軍節度使兼潞州
管内觀察使提舉學校常平倉事上護軍隴西郡開
國侯食邑一千戶實封一百戶李宴記

承安四年歲次己未八月吉日住持福勝院修造化
緣僧惠福 路亨書男時泰篆額

明故平陸學博鳳池高公之墓誌

公諱孝登縣教諭高公諱進之三子也其子四

出仕廣文者三人其伯仲季皆倜儻不羈公沈靜醇

黎城縣續志 卷之四 補遺

三四

謹淹博百家少攻舉子業士籍知名試必高等年四
十以明經觀國光萬曆四十六年出仕平陸縣廣文
不偶於時遷 教授不就隱於家非讀書人不與

處客有曰子閉戶一室不亦寂乎答曰吾無日不與
古聖賢相質何寂之有客默然而退生平謹以愛身
廉以守己惟衣褊食藹而不恤門牆生徒日衆稱士
林表表者多人壽八十而終生子四俱列賢序內外
孫十九人 御等 生也晚猶得親其教敢言其畧云

外孫李御李吉謹識

康熙十八年歲次庚申男庠生雲齊庠生漢齊增在
奉齊增生辰齊等立石

糾誤

地理志

沿革

舜封十二州屬并

案馬氏融曰禹平水土置九州舜以冀州之北廣大分置并州周禮職方正北并州其山川有恆山昭餘祁庠池嘔夷涑易皆去黎遠顧亭林謂幽并營三州在禹貢九州之外并州今忻代以北至塞外之地是也然則黎在有虞氏仍爲冀州其屬并黎城縣續志

卷之四 糾誤

三十六

州乃漢制上黨郡爲并州刺史部也以後世之郡縣定三代之疆域且不可況上古時乎

黃帝封支子於潞縣時在潞國域殷湯受命乃始封侯於此國名曰黎

案黃帝封炎帝之後參盧於潞見潞史非黃帝支子潞本作露潞史茶陵露水鄉有露水山余訪炎帝陵稽其始封字亦作潞蓋商周間衍於河北爾黎書疏及說文但云殷侯國以爲湯受命時所封亦無考

春秋時潞氏強大乃奪黎地以立潞子嬰兒黎侯棄其國而寄於衛

案此合詩序左傳爲一事也考詩序旄邱責衛伯也疏云此詩之作責衛宣公左傳宣十五年當衛穆公時姜炳璋詩序廣義云衛至穆公徙居楚邱已三世則黎與晉鄰晉爲盟主何殷殷望救於衛哉詩作於宣公之世爲始封之衛無疑斯時狄勢已強翦黎卽滅衛之漸也奪黎地在潞子嬰兒既立之後鄆舒爲政時此云奪黎地以立潞子嬰兒

黎城縣續志

卷之四

糾謬

三七

亦誤

熙寧中省入潞涉二縣元祐初復置金元明因之而以屬山西布政司

案宋史地理志黎城崇寧五年省入潞城元祐元年復未嘗入涉縣潞州金屬河東南潞元屬晉寧潞明始置山西布政司文殊混淆

城池

黎侯城在縣北十八里後魏太武初廢

案黎侯城見上黨記當是春秋時故城而自秦漢

以來未嘗置縣其廢久矣不得云自後魏太武始廢也據魏書地形志刈陵太武真君十一年以潞縣被誅遣人置隋開皇十八年改名黎城其地爲今縣西北八里之故縣城則太武所廢者乃漢晉以來之潞縣潞子故城與黎侯城何涉又古蹟云黎侯故城在縣東北二十里商書西伯戡黎卽其地也春秋時潞鄆舒逐黎侯奪其地立潞子嬰兒晉荀林父滅潞子復立黎侯而還後魏太武初城始廢皆臆說不見經史

東漢嘗以幽冀并州定天下始於黎陽立營領兵騎至千人以謁者監之號黎陽兵

黎城縣續志

卷之四

糾誤

三六

案漢黎陽縣郡國志屬魏郡水經河水又東北過黎陽縣南注黎侯國也詩式微黎侯寓於衛是也晉灼曰黎山在其南河水經其東考詩式微泥中中露毛傳以爲一邑卽在其地爲黎侯寓衛所居故水經亦謂爲黎侯國也一統志黎陽故城在衛輝府濟縣東北

山川

箕山在縣北八十里彭莊蓋避禹子於此有詩由墓在曬布崖下潁水在縣北七十里有小溪曰潁相傳

爲許由洗耳處並見府舊志

案太平寰宇記箕山在遼州遼山縣西四十五里
上有許由冢山有石室方四丈壁中文字篆書人
莫能識又引後魏風土記云太原郡箕山有許由
冢今縣北與遼接壤故傳合於此潁水則輾轉相
及耳然太史公所云箕山有許由冢其地實在陽
城今登封縣北三十八里之山是也似遼州之箕
山已屬附會府志嘗辨之

古蹟

黎城縣續志

卷之四

糾誤

三十九

彭莊古豐川村世傳彭祖曾訪三仙女於此

又云曠布崖世傳高辛氏之宮女爲三仙織龍鬚
之布粉妝臺有石類粉盒盥盆卽仙女所用皆誕
幻無稽如入九重之譯令人莫可究詰竊疑彭莊
曹莊並在縣北而曹莊又有魏武祠或曹操子燕
王宇字彭祖者居鄴時此地或爲其別業後傳失
真遂以曹莊爲曹義所居而誤彭祖爲古仙人也
黎受封自商歷周雖中更西伯之戡而不滅其國蓋
千餘年國也

案史記殷本紀西伯伐飢國滅之正義曰卽黎國
六韜決大疑武王封湯後於黎呂氏春秋安得謂
爲千餘年未滅之國

竇建德墓在縣東七十里竇口里

案建德號夏王都樂壽在深州死於牛口谷在汜
水此不當有其墓竇口里舊屬平順今歸潞城

政事志

紀事

漢五鳳中歲數豐黎潞穀大熟至石壹錢

黎城縣續志 卷之四 糾誤 四

案漢書宣帝紀五鳳四年大司農中丞耿壽昌奏
設常平倉以給北邊食貨志宣帝卽位歲數豐穰
穀至石五錢農人少利五鳳中耿壽昌奏言宜羅
三輔宏農河東上黨太原郡穀足供京師云云時
關東諸郡並豐非獨上黨也漢書無黎潞字亦無
穀石一錢之說

晉泰興二年陳武妻一產男三人

案晉書石勒載紀云黎陽民陳武通志府志竟改
陽爲城而黎城名縣實自隋始

唐景隆二年八月縣嘉禾合穗

案景龍爲唐睿宗號字不作隆是年八月長子
禾合穗潘炎有賦

人物志

名賢

漢壺關三老姓名茂

序云黎鄉賢載祀典者代不乏人而壺關三老應
首與焉蓋古者三老養於太學即天子所執醕而
奉爵者也案漢壺關縣爲今長治壺關二縣地非

黎城縣續志

卷之四 糾誤

四

黎之壺口關也今狐茂墓元和郡縣志在壺關縣
東十九里茂卽其縣人也漢書百官表縣十里一
亭十亭一鄉鄉有三老掌教化秦制也高帝紀舉
民年五十以上有脩行能率衆爲善置爲鄉三老
擇鄉三老中一人爲縣三老與縣令丞尉以事相
教與戴記所言三老五更有別

漢馮奉世馮參詳勲爵馮野王馮立詳任子宋宇文
光詳忠節明趙博李世芳詳進士韓磐王景明王崇
雅詳貢士

名賢二十餘人事實半別見不知熟讀曾贈陰進士貢生乃表體惟宜題銜名此篇乃傳體必詳載事實未可以意參錯也且一人數見尤乖體例本書若此者不勝枚舉姑卽是篇言之以正其謬

忠節

馮昭儀傳末云君子謂之忠勇慕義

案錄史文而自加評贊非例昭儀以女子而舉以冠忠節亦奇

流寓

黎城縣續志

卷之四

雜記

四

彭祖曹義

案三國志曹義與兄爽並爲司馬懿所殺此云義攜妻子遁於縣之北山無可徵信彭祖傳云自彭城來寓豐川村就三仙女學道得養生秘術遁志乃據爲故實探入沁州仙釋亦昌黎所云惟怪之欲聞也然史傳方術已爲之先方乘又奚足爲是志仙釋所列七人大都類是無足辨也

附錄

書目

明靳惟精黎城志

佚

案書成於嘉靖時康熙中邑人李吉輯黎志已云
版籍散佚今益無從搜訪矣

趙初玉泉常言玉泉答問三要六治策玉泉詩集

並佚

案初文舊志存三教堂記一篇

黎城縣續志

卷之四

書目

三

李甲黃靜觀齋語錄菴欄雜著磊園文集詩集

案磊園文舊志存書五首序二首府志別載梨花

塢詩序一首

李煥黃甌行草履蕪草就正編

佚

李御式怡堂集

佚

李吉怡園集苦音集印可帖

佚

案舊志稿爲二李所草創其遺集不傳

申如岳嵩生詩文

佚

案嵩生文名最甚所著不傳靳榮藩爲作傳稱其
以上黨形勢賦銅鞮宮懷古詩得名今亦無知者
王子莊論語筆說易說求是書說求是詩說求是春
秋說求是集古留眼

佚

高獻抒廷詩文

黎城縣續志

卷之四

書目

四

佚

案抒廷舉康熙己未鴻博而著述無所見列其名
俟留心文獻者搜輯焉

高撫謙律呂圖考朱陸異同辨

佚

靳榮藩綠溪文綠溪詩詠史偶稿綠溪語吳詩集覽
存

詠史偶稿自序曰昭明文選詠史者四家曹子建之
三良顏延年之五君亦其類也顧弱冠弄柔翰卓犖

觀羣書謂之自詠可耳即鬱鬱澗底松習習籠中鳥亦近於嗣宗詠懷泉明雜詩之意蓋古人意不專於詠史而常若有餘今人意專於詠史而常若不足此亦人才升降感慨之一節也杜子美百代宗工僅得詠懷古迹五首然杜有詩史之目詩皆史也人將詠之杜非從略焉中晚詩人每多詠古絕句如杜牧之隋宮春李義山齊宮詞之類不可勝紀至或含蓄忠厚能使興亡得失之幾見於二十餘字之外鑒往戒來非徒流連烟月矜筆墨之妙而已茶陵李文正公黎城縣續志

卷之四

書目

四十五

詠史樂府爲尤展成明史樂府所自出然尤氏既以樂府名篇而又云聲與調固所不恤則名與實戾雖亦本於茶陵之論楊廉夫固不若吳梅村讀史偶述三十一絕句王漁洋讀三國志三十首爲得已余孤生淺學何敢妄議風雅值

國家文治光昭纂成明史播在學宮閒嘗借而讀之於

元季諸臣知其有周京黍離之悲於明初諸將知其有越國藏弓之恨金川門啟牢落東南土木驛空羈遲西北自威武將軍以後暨大羅太上之前

世宗自號太上

大羅天仙元
都萬壽帝君
南巡之拜杖何多在順之撼門不少君
耽八虎丹傾劉謝之心相是百變碧化沈楊之血既
而人爭三案尸說中涓四十孫蠅飛蝟集十三家豕
突鴟張大盜躡京孤君狗社東林半罹於水火碩果
何存南部徒記其烟花死灰誰熱蓋思陵已終乎明
代而

世祖永奠夫丕基自簡冊以來神功聖德廣大寬仁未有
如

大清之極盛者也涉略之餘染翰操紙共成斷句若干
黎城縣續志 卷之四 書目 四六

首漁洋選洪文敏萬首絕句如孫元晏胡曾之詠史
一概不錄以此視之且何如也

綠溪語自序曰士君子立言旨趣各有不同上之羽翼
經籍闡明理學如漢晉唐宋大儒之注疏集解此
立德者之言也次之通達政體講求民生利病如歷
代名臣諸奏疏此立功者之言也至於瑣綴曲說撫
拾鈔撮既無關於聖學亦罔補於經濟春鳥秋蟲時
鳴時止何立言之是云乎雖然小說家亦有未易言
者蓋非說之難而遇其時得遂吾說之難也余少爲

父母所憐無飢寒顛沛之患及筮仕中邦補任畿輔
恭遇重熙累洽

聖天子作之君作之師德與功各建其極經學昌明化
理清平道德一而風俗同爲令長者奉行成憲易於
爲治每當自公退食優游多暇而余朴拙無似於蒲
博玩好弋獵竹肉諸技俱無能爲役環視鄴架卷軸
塵封間取而讀之隨筆記錄以爲談助蓋度德程功
深愧言無足採又以淺見善忘亦難附於說部叢書
之末然而松閣餘閒操紙伸墨此時此景有非勞人
黎城縣續志

卷之四 書目

四七

悴士旁午瑣尾所可同年而語者沐浴光華之日月
徜徉浩蕩之乾坤得從事於吾說孰非

國家泰和之氣休嘉之運涵濡而醞釀之者與因釐爲
綠溪語二卷所以幸吾之遇也是爲序

吳詩集覽王鳴盛序曰梅村祭酒詩衣被海內百餘
年矣而未有注山右靳介人先生深於詩學孜孜汲
古由戊辰名進士筮仕中邦及 畿甸公餘挂笏時
時掉頭作苦吟聲酷嗜梅村詩遂爲注之聚其典故
稽其出處參伍其平生行事師友淵源州次部居年

經月緯久之成帙日曰集覽不遠數千里郵示屬爲
之序竊觀近日詩教大昌詩家多如麻菴或嗜甘而
忌辛或好丹而非素言人人殊莫能相一請以充言
折之杜陵千古詩聖其言下筆有神必以讀書萬卷
爲本然則性靈雖妙非書卷不足以發之彼謂詩有
別才非關學問者聊飾詞以文儉腹耳故予論詩必
以多讀書爲勝

本朝詩人讀書博隸事多者三家梅村與阮亭司寇竹

垞檢討是也夫其隸事既多學者苟無張茂先之治

黎城縣續志

卷之四

書目

四

聞鄭漁仲之博物必將開卷茫然如坐雲霧則注釋
要矣曩予亡友惠定宇注阮亭詩久已膾炙人口今
予門人范生洪鑄注竹垞詩成亦稱淹雅正相與商
推開雕而介人之書適至從此三注並行予以表彰
前喆嘉惠藝林爲益詎淺歟哉介人夙負詩名觀其
自運清新可繼梅村居官所在皆有治績今守蔚州
方築暖泉隄以捍水又一循吏也乃其善著書復如
是洵可謂有兼人之美者與予于祭酒爲同里後進
且予八世祖母吳氏明參政遜菴公女卽祭酒之曾

祖姑湖我自出雖遠弗敢忘也顧老懶昏耗于梅
村詩無能爲役介人此注余僅從壁上觀執筆而序
之其將重予之愧矣夫介人名榮藩介人其字別自
號曰綠溪今學者多稱綠溪先生云

高曰達桂溪詩稿詞稿

佚

王煥辰薇階詩草杜律先易杜律標式

存

王發越倚雲山房集

黎城縣續志

卷之四

書目

四九

存

碑目

隋寶泰寺碑

存

碑正書開皇五年立在故縣城

宋慶安寺碑

存

文載舊志

碑正書至和二年立在故縣城縣尉韓國文

文載舊志

碑正書在縣西南十五里潞祠山縣尉韓國文

宋宇文光墓碑

佚

碑正書吳陶文在城北十五里今佚

金德崇禪師塔銘

存

石正書大定十九年立在辛村里毛麾撰文

黎城縣續志

卷之四

碑目

五

金福勝寺碑

存

碑正書承安四年立

元修宣聖廟碑

文載舊志

碑正書元貞元年立進士權秉中文

文中至元中官於黎者達魯花赤有末魯不花也

孫朵舊志職官失載案達魯花赤在彼時爲掌印

官蒙古語荷包歷口取管轄之義各路設有太達

魯花赤其在州者爲監州在縣者曰監縣位知州
縣尹右

明修學碑

存

文載舊志

碑正書嘉靖二年立呂柟文

修城記

存

文載舊志

黎城縣續志

卷之四

碑目

五

碑正書隆慶二年立教諭蕭堦文

四無堂記

存

文載舊志

碑正書隆慶二年立蕭堦文在典史署

式清亭記

存

文載舊志

碑正書天啟五年立暴謙貞文

曹王廟碑

文載舊志

碑文爲王懷遠撰載舊志曹操祠於乾隆中爲李
太守所毀不知並碑踏否耶而懷遠文自雅馴
明人諸碑皆所不及故存之案唐時無爲和州前
有魏武祠劉禹錫詩云曹操祠猶在濡須塢未平
又元吳澄毀曹操詩序言其祠在夷陵爲申屠闢
所毀奸雄身後猶能血食亦異事也



